

PK PK PK PK PK PK PK PK PK PK

PK

27

五

PI.

17

idk

一五

天

PK

PK

天

25

PK

PK

張

PK PK PK PK PK PK PK PK PK PK

1
2
3
4

20

1

0

10

— 100 —

—

1

24

✕

KA

KHIMAT

MIET

Phrikshon Kharshiing

Accession No. 9495/8. L

Call No. 895.93.P.11.KHM

Author Khonshing, P


Title Ka Kumat Mist

Acc. No. 9495/8. L

STATE CENTRAL LIBRARY
GOVERNMENT OF MEGHALAYA
SHILLONG

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-eared the pages of a book, marking or writing therein with ink or pencil, tearing or taking out the pages or otherwise damaging it will constitute an injury to a book.
4. Any member who is found to be guilty of any of the above offences will be liable to be fined or to have his membership suspended or to be expelled from the library.

KA KHMAT MIET



Da

U Phrikshon Kharshiing

la ka hok longtrai la tyngkai

*La iarap bei tyngka ia kane ka kot
da ka Sorkar Meghalaya*

CHECKED

Published by Shanthi Book Publication &
Printed at Ratna Press, G. S. Road, Shillong

CHECKED

State C. & J. Library
2001-08

KI AIOM KA JINGKYRMEN

Ha ka aiom pyrem ba shit tyrba, ka khyndew ka mariang ka tyrkhong; ka umpohliw na ki tlong ka d... kumba kan jah nob; pynban, watlakatta, u khunbynriew um man rit mynsim satia; u thung u tep, u bet u symbai u bet u rnai, dei hangne u da sngewshngain ba la sdang kbielung ki dieng ki siej bad ki phiang ki kynbat. Bud ka lyiur kaba sngem ha u 'lapbah, ba iwtung ki jain ki nep na u lput ba beh tyllap; ha kum kata ka aiom, u bynriew u sngewbha sadhai ba u ioh ban lum ban lang ia u jingthung uba met; u da heh mynsiem ia ka jinghab u slap u ban sa bsa ia ka pyrem kaba tyrkhong. Poi tiap ka synrai, ka aiom ba pynggad hir hir, u bynriew katno u kmen tohhoh ba u lait na ka iwtung bad mynta u ioh ban ring mynsiem ia ki 'erbatesi batemon. Poi ngong sa ka tlang, ka aiom bakhaduh kaba dei artat ma ka ka aiom bakhriat tam; wat hangne ruh, u bynriew um khohnioh ba u koit u khiah krat mlun mlun ba tylli sa ka doh ka pran.

Haba kumta, katno ka jingsngewthiang ka jingim u khunbynriew. Na ka aiom sha ka aiom, la synran da ka jingsngewbha bad ki jingkyrmen ia ka longrynieng ka jong u. Dei ha kine kein ki saw aiom ka ipor, ba u khunbynriew u phrang la ka jingim, u iakynduh bun ki dieng pynkiang, u jop ia shibun ki jingpyrshang, u kheit shi khoh mynong ki soh bathiang Dei nangta kein ngin niewkor ia ka por na ka pyrem sha ka tlang.

Kumta. ko ma phi ki nongpule kiba long ka jingshlur ia nga, nga don ban ong, ba, ynda la ia id lait khlem thiah thai na ka pyrem sha ka tlang, nga la ioh ban lum thup ia kane ka 'khana 'KA KHMAT MIET', ka khana b n phalang kum ka it peit sha kiba bat la ka snad bad sha kito kiba peit ia u thugiat uba shon Hei ho, nga iathuh lpa ! Ioh phi mong phi thew ia nga !
 Ba kane ka pharshi 'khana kam long ha ka pyrthei bashisha.
 dei tang ka tusbir ban pynwandur sha ka jingbha. Ha

sngap, u Bah Bronath Thangkhiew ha ka "Tienrwai Khasi"
lyngba ka "Jingrwai U Nongtem Duitara" U sneng kumne
"La phi iapngiah-iapshoin kampher eiei ko hep, tangba da peit
biha lashai ynda sitep; ia ka mat mied wat ju shaniah singap
ia nga, ka lah ban par wat tang nalar u pushara."

Shwa ba ngin tip aiu kita ki khmat ki treikam ha ka por
meit, nga ai khublei lpa ia phi ki nongpule. Nga da ai khubl'
kyrpang na ka bynta kane ka sngikha ba 127 snem jong u
Mahatma Gandhi u riewkhraw uba long u 'langknia ra ka bynta
ka jinglailuid la ka ri. Kyrmen ba ki nuksa ba bha jong u kin
iai m ha kane ka ri.

Sawmer, Upper-Shillong
2 tarik Risaw, 1996.

Phrikshon Kharshiing
Nongthoh

Ka Khmat Miet

LYNNONG-1

Ha tynrai u dieng 'tiew saw, u Bniahstar bad ka Nebika ki ia rieh tngen lyngngeh ban lait na ka jingshit kynthah ka sngi pyrem. Hangta ha pyntha phlang ba kynjah, ha lyndet u lum shynna shnong, ki ar ngut kim sngewphieng, kim khaweit, Ki iphngain ka dur khmat, kim i don jingklusai eiei ruh ba ki shngain ha ka jingkdup ieit ka mei mariang. U Bniahstar, wat la a kham byrlong ka snieh doh, phewse, u iplung, u da iphuh shyrmuin kumba thaba ki rong ba jngum ha u 'tiewkulab saw. Katno'de ka jingipalei dhur dhur ka Nebika kaba sngewsyaid ha shadem u baieit thep mynsiem. Ka rong sniehdoh babyrtem ka da phalang ryngkat ka jingthaba ki rong u syntiew saw.

"Phim tip seh katno nga ieit ia phi? Phim ju pynleit jingmut katno nga tmang haba nga jingai na phi? Lehse, phin nym ioththiah suk lada phin peit dorbin ha jingthiah ba nga dem." U Bniahstar u shaniah la ka tyrpeng ha u dieng 'tiew saw, u da phai khmat sha ka Nebika.

"Don seh kiba lait khlem da 'shah teh mraw ha ka jingieit? Kumba ka ring ia phi, kam pyllait te ia nga ruh." Ka kren kumba khni iam.

"Shisha seh! Ka long kumta mo?" U Bniahstar u da shcng pynbeit kynsan la ka met; u da peit shlip ia ka Nebika kumba u iohi ia kaei re kaba phylla ha ka dur khmat jong ka.

"Ngam kwah shuh ba ngan ker pyrda na phi. Ha ing nga sngew kum ka khlaw haba nga la dei ban khlad na phi." Ka Nebika ka da pynneh la ki khmat ha shadem u Bniahstar katba ki khmat ki khiih khliir khliir.

"Twad seh; Haw da twad ka shadem!" U Shim ia ka kti ka Nebika "Phim iohsngew, katno u tied stet u klongsnem?"

"Sngewsynei ia ka kut shadem kaba kyndeh khlem jingmut." Ka Nebika ka pynhiar noh ia ka kti na shadem u Bniahstar ka pynnoh liw la ki khmat kumba ka lehrain ia u.

"Kyndeh khlem jingmut ! Haw to da pynshai seh ! Ka mut aiu haba phi ong kumta ! Sngewbha seh Nebi ! To seh, sngewbha, U Bniahstar u da rah kynjriang la ki shkor.

"Phim pat tip te wad. Phim pat tip eiei ruh." Ka Nebika ka da iam kynsan bhuk, ka dem ngun ha la ki khohsiew.

"Nebi ! Nebi ! Balei phi iam ? Ong seh, balei phi iam ? Nga la pynsngewsih ne ia phi ? Ong seh, lada nga la leh kaei kaei kaba pynsngewsih ia phi !" U Bniahstar u da bat na baroh ar ki tyrpeng jong ka, u pyrshang ban khyllie ia ka. "Wat leh seh kumne. Ngam kwah te ba une u dieng u iohi ia ki ummat kiba lang ha ki pukri jong phi."

Ynda la dep niad la ki ummat, ka Nebika ka khyllie la ki khmat. Ka da peit myllung ia u baieit, naduh tmoh haduh shynrong.

"Ngam shym kynmaw ba ngan pynmong ia phi. Ngam ju khmihlynti hi ruh ba ki ummat kin jaw na phi haba phi don ha syndah jongnga. "U da shyit ia la ka ngab katba u dang ap ia ki kyntien banylla na kaba u leit eh.

"Phim shym la pynmong ia nga ! Dei ma nga kein ! Ma nga kaba la khlong tylli ia u dohnud jong phi. Ma nga kein, ngan sa thad tyrkhong ia phi ! Ki ummat kiba nga jaw, kin sa pynshlei ia ki pukri jongphi."

"Ngam lah peiphang. Ngam pat shai te ! Kaei kaba phi dang buhrieh na nga ?" U Bniahstar u da lip kynsan ngain kum u syntiew kutab ba shoh kynsan u slap.

"Kane ka dei ka sien bakhatduh ba ngin iashem biang kumpe. Ka bneng ha phi kan sa dum kynsan ngain haba u lyoh barben un sa tap kyrthep khlem jingisynei. Baieit. nga isynei ia

phi. Phewse, ngam lah ban leh eiei." Ki khmat jong ka ki sdang ban phyrnai biang khrik khrik, ka kbum la ka shyntur, ka da kyrbam tyngah la ki rymmiang kum kiba la tyrkhong palat ha ka por tlang.

"Kaei kein ka daw kaba pynlong haduh katta? Kren shai seh! To seh wat da jiar lut ia ka snam na ki thled jong nga. Nga sngew u la shlei te u klongsnam." U Bniahstar u thain skhem hi mlon iala ki kti ha ka tohtit.

"I mei bad i pa, kim suk te ia nga. K m mon ban iapoikha bad phi." Ka bat skhak na tyrpeng, "Wat sngewsih seh. To wat buh jingmut shuh. To mab ia nga ba nga shukor ia phi"

"Kim suk seh? Kim suk ia nga? Balei mo? Kaei mo ka daw?"

"Ka spah ka dei ka daw! Ka spah ka long ka kynrad! Ngam sngewlah shuh ban iehnoh ia phi, hynrei ngan leh kumno." Ka dem biang ha la ki khohsiew ryngkat ka kynsluk.

"Kim suk ia nga! Nga u khun baduk! Nebi, ngam kwah ban pynsngewsih ia i mei bad i pa jongphi." U Bniahstar u da kyrngah la ka khlieh. "Ia ngin ia leit noh. kam long ba ngin ia pynslem hangne, ioh ki sa iohi ia ngi. Nebi, kan long kaba shyrkhei ia phi lada kin ichi ba phi don hangne bad nga."

LYNNONG - 2

Katto katne naduh ba la ia pyllait syrdoh bad ka Nebika, u Bniahstar u iakynduh ngung ia ka ha ka lynti khongdong kaba khim katba u dang wan na jingtrei.

"Shaei kumne?" U Bniahstar u da sngewlahrain ha ka jingsngew rit kynthop.

"Nga shu kwah ia id kai "Ka Nebika ka da syndong bha ia ka jaintapmoh khlieh.

"Sa nang leit ma phi. Ngan nang kam ma nga."

"Ap seh ngin ia iaid ryngkat. Ne phi kyrkieh palat?"

"Yn shu kyrkieh than ban leit hi shaei?"

"U Bniashstar u da tan pynbeit la u ryngdang soptipoh.

"Ynda iakynduh kumne, nga kynmaw ia kito ki por mynnoŕ."

"Phi da pynkymaw sa ia kaba la leit. Kaba la leit kam lah wan phai shuh." U Bniashstar u da rkhe rymmuin.

"Ha phi ka lah ban leit, hynrei kam long kumta ha nga ! Dei na kata ka daw ba nga wan poi shane. Nga la kwah iakynduh ia phi, tangba ngam iohlad satia." Ka Nebika ka da iasong kwai ia iaid "Phim tip ia ka jinglynga mynsiem jong nga naduh kato ka sngi ba nga jngai na phi."

"To seh Nebi, ngin nai iakren shuh ia kaba la leit. To pyrsang da ka jingim thymmai."

"Ia seh, ngin shong thait shuwa harud lynti Nga donkam te ban ong eiei ha phi." Ka Nebika ka da leh rit mynsiem.

"Wat ong seh kumta : Kam long te Nebi ban leh kumta !"

"Wat tieng seh. To ia ngin shongkai tang shiphang. Nga donkam eh te ia phi. To seh sngewsynei lem ia nga ka riwkynthei."

"Phim lah ban ong ba ngam isynei ia phi. Dei na kata ka daw, ngam sngewdei ban leit shongkai bad phi ioh phi sa bylliang ki khohwah"

"Ia ka jingatbylliang jong ka doh dang long ban kyllan da ka umphniang, Hynrei, wei la paitpdang ka mynsiem, daei kein yn pyntngen ?" Ka Nebika ka ieng hajuh khlem da kam satia shakhmat.

"Kat kane ka lynti, ki nongiaid nongiang kiba khlem kut traj. Kam long ban leh kumta. Ia ngin ia kren ia iaid."

"Kat ka ing jah hangtai. Ia ngin ia pynlut por hangtai shiphang arphang. Lada phi sngewsynei ia nga, ia seh wat da jyrwit jyrwat."

"Kam long kaba suk te! Kam long ban leh kumta! Ka por kam shah shuh ban leh kumta. Phi lah ban sa leit shong-kai lashai lashisngi bad uta uba la thoh shun ki Blei." U Baihatar u da kam suki shakhmat.

"Lada phim isynei ia nga, to khie nang leit ma phi. Nga wan khnang shane ba nga angad eh ban iakynduh ia phi. Ngam sngewmyntoi! Ngam sngewdondor ban leit sha ing ban khlem u nongtem."

"Kam long kaba suk te! Kam long ban leh kumta! Ka por kam shah shuh ban leh kumta. Phi lah ban sa leit shongkai lashai lashisngi bad uta uba la thoh shun ki Blei." U Baihatar u da kam suki shakhmat.

"Lada phim isynei ia nga, to khie nang leit ma phi. Nga wan khnang shane ba nga angad eh ban iakynduh ia phi. Ngam sngewmyntoi, ngam sngewdondor ban leit sha ing ban khlem u nongtem."

"Wat kren seb Kumta! Yan dei te ba jyndat ma nga. Hvnrei, ka bor Blei hi kam shah."

"Nga la hakla. Nga pyrkhat kmie palat. Nga klet la ka shadem ba pypsad ba shlem. Mynta te, Watlada i mei im suk, ngan siang diar la ki thapniang shaphi." Katba ka dang kren, ki uomat ki twid suki jai ba ki reng ngad jong ka "Hangtai ha ng jah, ngin pyllait ia ki sobsat."

U Baihatar um lah khlem da imyllung ia ka jingjawumat jong ka. Khlem da ai nia eiei shuh. U thew bait sak shata. U da pynneh la ki kiat sha ki mawkyrken kiba lam sha kata ka ingjah.

Ka suinbneng ha kane ka por, ka la sdangkem iongrein, katha ki ar ngut pat ki pashat la ki kiat shata sha tyngkong ka ingjah. Ynda rung hapoh, ki shem ba ka ingjah ka la jot phew rynjain. Ki lyntang siang, la bun kiba la hap lut sha khruu. Ka tin sop ka la bam kruin war ryntheng. Sa tang ki dieng rishot kiba kyrshan ia ka ijot jong data ka iing. Hapoh kata ka iing, la sop satah da ka snur thapbawa, wat katta, dang i don hi kiba jarung iamih namarba ka dpei ka dang don nga iong.

Hangta berud dpei, ki don ki dieng sawdong lyngkot kiba ibiang ban, leh lyngknot.

"Hangne seh phi kwah ban lashongkai? Dang lah ha sem masi." U Bniahstar u da pynshad sawdong sawdong la ki khmat.

"Ki rong thaba kin nym dondor eiei lada ia ka sem paro la shu pyrsah eit tyrkhong." Ka Nebika ka da pynhab suki la ka jingshorg ha u-ta u dieng sawdong."

"Kiba ha ing jong phi, ki la hum em jrut ba phi la ia lait bad nga?"

"Ma ki, kim donkam te ia phi! Ia phi la kha namar jong nga. Phim tip te katno kynta nga ioththiah naduh ba nga la jngai na phi! Nga sngewmyllung, ba nga iehbein ia phi. Ngam tip balei nga shoh tyndep kumto ha kato ka sngi. La kum ka turoi jot, nga pyllaif khlem da pyrkhat ia ka met. Phewse, nga kyndit bynriew ynda nga la dei ban shong kynjah marwei. Dang kumto, ngam da sngewthuh ia ka jingblaw; pynban, nga sngew kumba rah ksuid tynjang ynda nga la thew la woh bha jhin ia ka dor jinglong samla.

"Kam myntoi te ba phin sahnud! Pynhun ei la ki jingmut jingpyrkhat. To sngap ia ki 'tien sneng i mei i pa." U Bniahstar u da thain la ki kti ha ki mat khohsiew.

"Kampher la nga dei ban jngai na ki! Phim tip te, ka jingthiah dunlop ka thar ban khlem ma phi. Nga tip shai ba ki dieng tyll ki kham sngewjem haba nga don ha syndah jong phi! Nga la raiskhem ba ngan bat ia ka kular kumba ngi la ia teh jutang naduh ki sngi kiba nyngkong. Ngam sngewlait ram, ngam sngewnangthiah ba nga la iuh ia ka jutang ba nga la khlei!"

"Shisha seh! Phi la rai kumta kein!"

"To pdiang da u'khiew rnong ia ki juban lak ba nga la khlei! La ngan im ne iap, ngan nym jngai shuh na phi! Phi long ma phi u kynrad jong nga!"

"Nga uba duk, joh ngam lah ban pynbiang!"

"Ka jingduk, kam long u mawjynthut! Ngan hun kat kaba kot ka bor jongphi! Wat sngewaih ba nga la raikut ha kato ka sngi. Kito baroh ki long tang ki jingteh ruma namar ba ka rung

kynnan ka jingtieng khla."

Katba ki dang iapurkhana, ka sngi ka leit rieh noh sha lyndet ki lum, khlem da ap lem ia ki."

"Ka la biang ba ngin ia leit noh sha la ing ! Kam long ba ngin shu shong sah hangne ! Kane ka jingteh jongngi, kan long kam biej pynban !" U Bniahstar u da pynjrong la u ryndatig ba u khongngoid shalait.

"Lada phi la kular ban leit lang bad nga sha ing, nga kloï ban iehnoh ma kane ka jaka shong."

"Kumno ngan leit sha ing jongphi ? Ka long kaba eh ! Ngan sa shah beh ha i mei bad i pa jong phi !"

"Tang ia u sohmynten phim pat dait, phi la ba sat lpa. Da mad kein ! Ai un kynthah ! Un sni haduh katno eh !"

"Ngam nud phi ! Kein noh ! Ngam dei ban leh pyrshah ia ka mon jong ki Kam long kaba bha ba ngan thom kum u 'kei sop.'"

"Ka rai baroh ka shong ha phi. Haba don ma phi, hangta nga don ma nga Kam dondor te ia nga ba ngan leit sha ing khlem ma phi !" Ka da pynnoh lyngngeh la ka khlieh ba ki lbong jong u. Hangne ha sem jot ngan tohtiah suk, ban ha ing kaba jngai na phi."

U Bniahstar u phuhsyep hi phak ka met, u da lynga marwei, ba um lah ban leit lang bad ka Nebika sha ing jong ka. U da sngewartatien haba u kynmaw ia ki kmie ki kpa jong ka.

"Sngewbha seh, pynkhang noh ka jingkhang ! Da snar bha ioh wanlap mano re. Kane ka ing, nga ikop dei ka jaka rieh ki kohtympan te ! Sngewbha seh khang noh."

U Bniahstar um sngewdei ban shu pyntieng kohtympan ia ka bapli ka kynthai briew. U ieng na u sawdong, u leit khang dieng ia ka ing. Ynda u leit phai sha rud dpei, u sliew sa ka ding, ban syaid myllen ka thei bhabriew.

Ka ding kaba meh liw liw, ka pynbyrngia ia ki arngut. Ki da pashat ki nia ki jutang markylliang, haduh ba ka miet ka nang san ha ki. Ka jingtyllun ka pyrthei ha la u jong u peiba, ka

nang pynrhem bad pynskhem shuh shuh ia ka jingiadei jong kine arngut wat ka thngan kam treh jan satja ha ki. Katba ka por ka bangsati, la nang byrthit ha ki kaka shong, haduh ba ki la klet ia la ka ing. Kim don ka tieng ka smiej ba ki dap da ka jagsngewhup ka mynsiem haba la iashem pat. Ki da raiket ban pynlut ia ka miet bajan hangta hapeh ka ing jah ba ingiew.

Wat la ha ing ki ju pynjem la ka met halor ka tynsok bajem, pynban kim man khniun iano iano ruh haba ki dei ban khabtrip la ki khmat halor ki khohsiew ha kata ka ing ba sma kynsha. Ka jingdum jong ka miet kam lah shong sah haba ka jingshai ka sdang ban kynjat ia ka s arud. Tang shu shai byrngut de liak ka suinbneng, u Bniahstar u peit liep la ki khmat, u da hishar ia ka jaka ba u don ba um kynmaw shuh ia ka sdang. La u kyrjaw ia ki khmat, um man shemphang satja. Marwei u lynga ba um tip haei u don. Sa shithait, ka suinbneng ka shai kynsan kdar baphtang ka jingkyntatshai na ki kjet ngi kiba dang kyan na sha tynsat ki lum bajngem. Ynda la shai ka pyrthei kdar, u Bniahstar u pynhiar mynsiem jylliew kduk, ba u la tip haei u don mynta.

“Nabi ! Nebi !” U pynkhih na tyrpeng.

Dngong, ka Nebika ka rah kynsan la ka khlich, ka da kyrjaw la ki khmat. “Lah ngi yn dei !”

“Ha nga te ka dang step palat !”

“Hi, hi, hi”. Ka da thab leit na khohsiew u Bniahstar.

“Ban da dei ha la ing te sa shikynta dang iohlad.”

“Yn nai la kren seh ia kaba ha ing !” Ka Nebika ka da khyllong la u shuiuh ba la pra rangieb “la ngin ia mih noh !”

“Shaei ngin ia leit ? Nga te ngam sngewnud mih !”

“Ngin shu ia shong hangne kein kata ?” Ka Nebika ka peit rit mynsiem “Nga la snnewthngan, la ngin ia leit wad, bam !”

“Shano kein ngin leit ? Nga te ngam sngewngang kumno ngan leh”. Ki ahniuh u Bniahstar ki da rah kynthung, ka dur khmat de ka thangsiong ngain.

“Sha ing jong phi kein !”

"Sha ing jong ngi ! Ew ! La khriaw riaw riaw artat ki khohsiew." Iohi kumba u da kyih shisha ki khohsiew.

"Phi mut kumno kumta ?" Ka Nebika ka khreh ieng artat.

"Ngam shym mut eiei ruh. "U phuh samrkhie rymmuin.

"To kein noh seh, Wat kren kai than !"

"Shisha te, ngam nud ban leit ing ! Ban leit lang bad phi lei lei te kata ka rwhi artat."

"Phi shu mut kai kein kata ?" Ka Nebika ka da khni iam shyrbein, ka shaniah khop ha kyndong.

"Ngam poi pyrkhat te. Ngam don jingmut te da kumwei pat. Nga wan hangne namarba phi la pynbor eh ma phi. Da shisha, ngam pat don jingmut ban shim ia ka jinglong rangbah."

"Pleng, phim icit mo ia nga ! Phim shym mut eiei ruh em ! Ka da iam kynsluk, ka niad artat la ki ummat.

"Ba phin da ngeit ia nga, ngin nym poi haduh une u pud ! Phi la shet ia nga. Ngan leh shuh kumno ! Ngan ai jubab kumno ha i mei !"

"Katba dang sngewbha te phim kynmaw mei ! To ong beit shikyntien ! Phin shimti ne em ia nga ?"

"Lada nga ong em, phin leh kumno ?"

"Ia kata te nga la sngewthuh hi ma nga !"

Lada phim kwah ba ngan tip, kumno ngan iathuh ha phi !"

"Wat kren kai seh ! Kane kam dei ho ka kam ia shet jakai !"

"Nga la ong mynhynnin ba phin leit sha la ing, phi pat phi pynbor ia nga. Phi leh khluit palat ! Nga te ngam sngewnud leit ing ! Ngam tip shuh kaci ka ban jia !"

"Ong beit shikyntien ba ngan sngewthuh ! Tangba, lada jia eiei ia nga, sa kitkhlieh hi ma phi !"

"Lada long, ngan shu leit pynon ia phi shajan ing. Ngim dei ban pyni ha kiba ha ing jong phi."

"Lada sha ing jong phi te ngan leit. Sha ing i mei te yn nai ! "Ka peit ia u da ka khmat kaba imyllung, ryngkat ki ummat basnoh ha ki reng ngab.

"Sha ing jongngi ! Ew ! La suwan hi wer ! Sa ba ngan rung na khrum !" Watda no, la jahare artat !"

"Rung, katba rung, tangba yn poi ha ing ka la 'biang ?
Lym da kumta, la suk ba ai khublei lpa."

"Shish shish shish !" U da patrong la u shniuh khlieh.
"Ka kam bie j a i u kum kane eh ! La ieng kynduh. La shong ruh
jhieh."

"Lada phi shu mut kai, to leh katba phi sugewbit !" Ka
Nebika ka mih artat shabar." U mawsiang kat sha ba phai ! "Ka
khnium ha la marwei.

Katba ka Nebika ka nang iaid ba la ka lynti; u Bniahstar u
bud ia ka nadien, u da jwai la ki shkor, u takor la ka khlieh.
"Kumno kumto ! Shu ngop ei khlem poi pyrkhat. Lorg
khatarbor tang ka kyrteng, ki reng pat da ki reng mattah ! Ha
ka kynthei ym lah shan phi pleng ! Shish ! Shish shish ! Ban sha i
mei te la makna artat ! La tynna iakynduh sat hi mynhynnin !
Sha ei kein ngan ialam !" U kam suki bad la ka kyrngah khlieh

Poi ha lynti bah, kaba long harud khlaw, ka Nebika la
shong noh hangta harud lynti, ka da tap dyngngur da ka jain
tapmohkhlieh.

"Phi shong lei hangne ? Ia noh ! Ia ngan leit on ia phi !
Tangba, da pyrkhat lem na ka bynta jongnga, ngam pat kwah
te ban shu pynkut jubor ia ka por samla !"

"Khie ! Phi leit sha la ing ! Nga la tip la ka jong ka kam-
ram ! Wei ba phim shym mut shisha ! Ngan nym pynbor ia
phi ! Ba dakaid hi ma nga te ! Ba leit iap eh ma nga ka khlem
shynrang ! Ieh nga mat khalai hi la ka jingim ! Ma nga kaba
tan bor ia phi. Khie noh joh phi shah wad pulit pynban !" Ka
katba ka dang kren kumne, u Bniahstar u sngop hi khia. Ki
kyntien jong ka ki tangon thain ia ka lynthohdoh,

"Ngam shym mut eh dan ong kumta ! Phim sngewthah te,
Hato kam long seh kaba shyrkhei ban shu leit kumne rang mang
rang mang sha i mei ? Ngam mut ban iehnoh ia phi." U da
shong ha syndah jong ka "Kan khambha, lada phi sngewthah
lem, ba phis leit sha la ing, nga ruh ngan leit sha la ing." U
da bat na ki tyrpeng "Kane ka iapher te bad ka kam khwai

khusaw ha dam ! Kam biang te ban shu bret bruk ha dabor; ban ong 'Mei, shim, dohkha ka la ngat !"

"Ngam shym mut te phi ban ong ba nga dei ka dohkha ba shu shah woh khwei na sangab ! Hynrei, haba la bret shana, te ka la dait ! Haba la dait te la ha ruh em ? Ne phi mut ban phanang biang shapoh um ? Ban da kumta te sa ban shu pang met tang haba pyhalt ia u khwai !"

"La sngewshisha kumba ieng halor ka lieng kynda bakhlem u boitha. Ew, la sngeweh ban kyllain ksai haba dait ka 'kha shi klah." U da rkhe shadhe.

"Phi te phi sngew jaraweng ban pyrthuh myllung ! Ma nga kein kaba nang sngewsdot sa i mynsiem " Ka niad la ki ummat da ka jainkyrshah. "Haduh katne phi phon ia nga ! Nga kaba la sniew la ka kupar, nga mat ia bret noh ka met shakhlaw sha bap ! Ngan pynsngewsih lei ia phi ! Phi dang dei ban pynmuja la ka jinglongsamla ! phi u ba bun bincia !"

Katba ka dang kren kumtei, u Bniahstar u shu peit shlip kh em da sngewnang ai jubab kylliang ia ka. U pyrkhata ki kyntien jong ka, u sngew ka la ktah ia ka longrynieng la jong.

"Khie seh leit noh ! Phi pynlut por lei hangne ! Khie leit ioh phi shah wad ! Phin da leit pyn on lei ku ia nga ? Phi la wan on hangne ka la biang ! Kane ka dei ka jaka kaba biang; kaba kynjah." Ka da iam kynsluk.

U Bniahstar u la sngewpther ia ki kyntien jongka. Haba u peit ia ka, u sngewlung ka mynsiem. U sngew kumba un jaw ummat lang. "Ka 'riew kynthai, bapli." U pynshongdor ha la marwei. "Da shisha, ngam pat don jingmut ia ka jinglong kpa ! Ade ! La kum u dicng sohlang ba shah patan jubor ba u rawon ! Kane ka dei na ka jinglot jong nga ! Kumno me kumto ? Ban da dei ba dang khuid te dang biang. Ew ka lih; tang kumto em la kut ei ki por samla ? Hangne pleng, nga la sngewthuh, balei ba kren briew u moina !" U Bniahstar u da pajut kai ia la ki tmam.

"Nga sngewthuh kein balei phim lah ban rai ! Ban da dei ba loig shynrang ma nga, Ngan nym ailad wat tang shi jaw ki

ummat kin hab na ka kynthai ! Pynban ma phi ! Kumno phim isynei ia ka 'riew kynthai kaba hab kit kyndung la ka jynjar !" Ka peit liep ia u, ka phai biang sha ki pyntha bajyrngam "Nga tip ba i mei jong phi, i iapher bun na i mei jong ngi ! Na kata ka 'daw nga pynshlur ia phi ! Nga tip skhem ba in nym nud kynthait !" Ka ieng noh na ba sheng, ka laid shaphang khlaw." Phim tip te katno nga duh thiah duh dem na ka bynta jong phi ! Nga angewsih ba nga la khlad jubor na phi tang namar ka jinglyngkot jingmut jong nga ! Ngam sngewlongbriew shisha te haba nga la khlad na phi. Na kata ka daw, nga phia bek ha phi, ba nga wan ban iakynduh ia phi. Lada phi sngewsynei ia ka mynsiem jong "nga, to lai kum u rangbah ! Lada phi icit tang ia ka doh, nga ong beit ha phi ba phin sa iohi ia nga tang ha rngai !"

"Nga isynei te ia phi ! To seh wat da iam ! Ioh sa hab madan u dohnud jong nga. Nga icit te ia phi ! Tangba, nga tieng ia i mei jong phi ! Nga syier ruh ban ialam sha i mei. Kumno te ngan ong ha i ? Kumno ngan sdang ban pasiaw ha i ? Ngam pat ju liat te tang shikyntien ruh ! Ha ing nga dang dei tang u khynnoh rit !"

"Nga sngewthuh ia ka jingeh jong phi ! Hynrei, lada phi la suh kyndang ia u dohnud jong nga ha phi, nga kular ba ngan bah khlich ma nga ! Ialam ia nga sha i mei jong phi ! Ngam nym lehrain ia ki jingshisha ! Ngam nym sngewmo ng la in khoh in tia ia nga ! Nga tip skhem ba i long kum ka wang bam im !"

Ka banse ka thom naphang lin kat kaba shah hakmat. Ka jingsngewlem de ka bud dien sia marte marte Hangta haba ka jingieit ka la suhthid, ka nang ksam jylliew ha ka lynti b jlan jong ka. "Kumta, u Briahstar, u bym sngewnang shuh ban ong da kumwei pat, u sei ki nia kum u rangbah. U da bat ia ka na ka kti. "Kumba nga la long trai ia phi. Nga kular ba ngan sumat sukher ia phi "

Ka Nebika ka bym nang shuh ban phai nia. ka dap smam ka mynsiem da ka jingsngewmyllung ia la u baicit u ba la pynpaw shisha ia ki jinglong shynrang ka jong u. Ka da angewshayain

la ka jinglongkynthop ha ka jinglong kynthei kaba doh ha tmier ka fiat. Ka piam kynsan la u, ka da pynnoh lyngngoh la ka khlieh ha shadem u khatarbor, u syiem ka khet kshar bakytang jong ka.

Ki nongtrei lyngkha, ki wei, ar, kiba poi step ha lyngkha, ki da niad bun sien la ki khmat ban pynshisha ia kaci kaba ki iohi. Kim lah ban pynshongdor la kin dei ki puri. Blei ne ki puri briew. "Kummo mo dang katta step ki la ia laidka kitai ki khyaraw." U tymmen u da ong ia ka kmie ki khun haba u ithuh shai ba kita ki ar ngut ki ia phylliew jingieit ba jan bha. "Ade, ki khun ba ieit ki Blei!"

"Haba dang t'ohsaw te kpa! Hato phin phylla lei!" Phai ktien ka kmie ki khun.

Kynthop, da jingsngewieit, ryngkat ka jingsygewrit mynsiem, ki ar ngut ki laid ha la ka lynti ban poi sha ki kynrad kiba bat i'u diengduh nar ha kti. Kham na jngai, haba la shynna bha ka ing la jong, u Bniahstar u ithuh shai ba doh mane re ba ieng ha tyngkong ing jong u. Ki kjat kiba sngewahlur, mynta ki sdang sngewthuh, teng teng ki sngewkumba kiew kshah. Ynda la kham hajan. haba la ithuh shai ba dei u kpa, hangta u sngewkumba la mih 'niangkhrat ka met ka phad. Ha phalor ynda u poi, u iohi sa ka kime kaba mih na jingkhah bah. Kumta de tiak u ieng; u kam biang shakhmat, tangba u kam suki kumba artatien.

U kpa, haba u la iohi ia ki, u long kumba shoh tyndep. Ka jingdom ba la phniang lpa ka jah kynsan jar ba u la lyngngoh ia la u khun dap shynrang uba la wan synran da ka 'thei bhabriew ba dapdoh thmomm thmomm. Ka kmie de ka shu peit ia u kpa; baroh arngut ki shu ia peit markyNiang la kumba kin'ong' U syntiew ngi la klet sah."

U Bniahstar u shu ieng kynthuit hangta ha u mawkyrdon. U da ang tyngngoh ia la u kpa bad ke kmie. Ka syep kaba kyan ha ka met jong u ka sdang ban phuh phuk shabar. Ki shkor ba la sawriang, ki da rah kynjriang.

Shaei me jah miet ! Kynhied u kpa ynda u la nguie umbiah
jyliew kank. "Ma te uba khlem dohnud shisha ! Me leh ia
kaci kaci ka bym lah ban long."

"Me la pynduh thiah, pynduh dem ia ngi !" Kynrup ktien
sq ka kmie kaba peit kynchiang ia ka Nebika "Ma la khlem akor
sat hi ! Tangba sngewbiang la ka met ! Mem pyrkhat shuh ia
ngi ! Ma pyrkhat ba ngi shu hun kumto seh lih haba me shu
jah ngai ngai ! Ngila phone sha jingtrei, pynban jar jar ! Ki
khun nynta te kim ju kynmaw kmie kynmaw kpa ! Ki leh kulmar,
ki leh ramtham katba ki sngewbut la ka met !"

Ka Nebika ka la kyih thot thot, ka peit isyné ia u Bniahstar
uba la dem dyngagur. Ka sngew ia lade kum u dieng ba la shah
kynther lut ki sla. Katba u Bniahstar pat u ap ia ka bakan ai ki
jubab ban pyntngen ia ki kmie ki kpa jong u.

"Ban peit ia u Briew ym i bna eiel ! U leh pat ki kam kiba
pynkulmar shngong hi wit ! U tip sa ban jah miet !"

"Ban kumne te ym long !" Kynteit u kpa.

"Ngam poi pyrkhat te. Nga la bakla ma nga " U Bniahstar
u da kyibam la ka shyntur ba ka la tyrkhong raw raw

"Me jah miet iei ! Shaei me wan sah !" Iai ban u kpa.

"Ne, la don kaba pain ing basa ?" Kynrup ktien ka kmie.
Ka da peit da ki khmat kiba ishyrkhej shisha,

"Ka Nebika ka peit ia u Bniahstar, ka kynmaw ia ki kyntien.
Ka sdang ban ang la ka shyntur, Pynban u thylliej u khia palat
haduk ba kam lah satta bai pykhkhia u.

"Nga la bakla ! Mab la nga. Iñe i pyrsa jong phi." U da
phai la ka khmat sha ka Nebika.

"Kumng me ong ! Kaci ! Khun, hu erap ! Khie mih ! Mih
shisynon !" Ka kmie ka iam artat bhuk. Ka phet seh artat
sha ing,

"Ma la leh ka kam hi kaba la palat ! Ngam ju poi pyrkhat
ka kam kine kin jia. U kpa u da lip liw, ka dur khmat, um i
kwah kren bun kyntien shuh.

"Mab ia ngi!" Ka Nebika ka bat kynsan sbak na tyrpeng u Bah Shew u ba mut ban phai dien nöh na ki. "Ngi la bakla ma ngi. Ngi la pynsangewsfh ia phi. Mab ia ngi!"

"Pa, nga la lyndet na phi, Mab ia nga."

"Ka mat ka ju eno' ha khmut." U Bah Shew u phai suki jai sha ki arngut. "Ka pan te em! Kane kam dei ho ka kam khän jekai! Ne phi ia pyrkhät kum ki masi ki blang? Hatö ka blang eh seh' mo ban shu wan pyni sarong kumba ngat 'kha shiklah na Khwan? Kine ki khynnab ki ialeh ruma ia ka ban iap! Hatö phi pyrkhät kumno ba phin shu kynrup ia uoe kum ia u kulai tlang?" U da phai sha ka Nebika.

"Nga la bakla te pa, nga klet bah pyrkhät."

"Ia rung ha ing! La ka lieh ne ka long, ngim dei ban shu ia ksan hanghe ha tyngkong." U kpa u tung artat sha katra shongkai katba u Briahstar bad ka Nebika ki ia bud hadien.

Haba la rung ha lamra, ka Nebika ka shong pynrit ialadé lum ka maraw. Kam sngewnud peit pyrshah ia u Bah Shew u ba shong mar pyrshah ka shuki jong ka. U Briahstar de, u shong dyngngur ia ka khleh kum u biew bym kwah ban peit iaei iaei ruh.

"Peit! Shwa ban ia tan tyllai ia ka sdang bad ka kut Döfkäm ban da sngewthuh shwa ia ka lyngkor ba ngi dei ban iakynduh ha ka jingim! Ka dei ka jurgshisha ba ngi dei ban wad bilew. La kynthei ne shynrang, donkam la : jong : nongsumar, i ban ia kit ia bah kyllang. Ban shu shong khynraw than, kiba ha ihg ki lah ban wit pynban Namatba baroh ngi dei bah shongkurim." U da peit ha ki baroh arngut U thuh shai ba ki pynshah la ki shkor'wat la ki ia dom shapoh ba ki sngewmynrain ia'u. "Kane ka kam shongkha, ka dei ka kam kaba kyntang, namarkata, donkam ban da thew da woh bha jhin ban nym iet ka matang." U Bah Shew u dei sekret, u da ten jylliew haduh ba la ihun shisha kduk. "Shuwa ban krew na kata ka kydan, donkam ban sngewthuh ia, ki, tyrpeng ki ia khlein ne am! Donkam ruh ban da sngapthuh ia u thied sohpet u la skhem ne, ioh u dang synjor! Haba la, biang ha kita kiei kiei, baroh; donkam

kein ban pashat ia u 'waidong Te, baroh arngut, haba ia ia noh
 la ka mon, bad ia ia iaid ia ieng, donkam ban da ia swar bha jai
 ia ka leit ka wan bad Ka burom ka akor. Phi dei bait iasngew-
 thuh, ba ngi dei ban laid lyngba Kine kiei kiei khnang ban lait na
 ka jingshynra khiewja hadien habud." U Bah Shew u da iaynei
 ia ka jingialah jablo kine kengut "Tang ka jingiasngewthuh arngut
 kam pat biang, donkam ban da iathukkhana ha ing ha sem. Da
 kumta kein, kinioh ban swar bad ban ia khnong ia ka jait ka
 kynja ioh lehse dang ia dei thana hangae hangtai. Tang ha ka
 bishar ki arngut, dang lah ban den ka kynriang ka bashli. Ka
 rai ki kmie ki kpa ne ki kni ki ma, ka long ka rai kaba ki arngut
 hi kin suk shi junom. Kiba ha ing, lada kim pat lah ban tai bha
 jai, kim nud ban rai mardor ba ki tieng ioh ia babe hadien. Dei
 na kate ka daw ba ju ia ong, ban da ia poi ha ka burom ka akor.
 ban da ia pynhlar ka synjat ka lator. Haba shimti hakmat ki
 arluang ing, ka don 'ka jingshynrain ia ka kynthai ne u shynrang
 ba kin leh thala thalein hadien habud." Katba u kpa u dang sei
 ki symboh rupa, ki arngut ki iashong kli kti dyngngur la kum ki
 syiar pang khlam. Ithuh shai ba ka jingkreng u kpa ka da ngam
 jylliew haduh ki thied pyrkhat. "Pynban ma phi! Kumno phi
 ia lah ban iaset ding ding, dang dang khlem da lait jynhaw lem
 ha ngi! Kumno phi ia shlan ban shu kun hi tang balade! Hato
 phi ia mut ban iakhalai la ka jingim! Lada ma ngi ngim suk,
 kumno kein phin ia leh? Hato me mut ban pynkit khunrei?"
 U da phai sha u Bniashstar Ma phi iuh, kumno phi shlur ruma
 ban aipi ka jingim ha u? Hato phin tieng mo ia ka khohpei?"
 U peit ia ka Nebika da ka khmat ka ba jem, "Dei da kumne
 kein, ba ad kylla sniew mynsiam kiba ha ing ha sem! Kumno
 kein kin suk haba ia ka adang ka tduh kim tip! Ynda la dei sa
 ka por leit hospital, phin dang iakymaw ban ong mab! Ka
 mab mab kata! Ew! Ban ia pan jingbit te u eh pat mo u
 duhnd. Kane barob ka dei tang ka kam ruma rutit! Ne tip,
 me deuit ba kum iuh snap kait ne jeh?"

"Em'pa! Em'pa! U Bniashstar u khylls ity la ki kumne, u
 don biang ity shapoh? "Ngil ia ia iaid ia sem."

"Haba kumta, ki Bnai pat ki ity katab?"

U Bniahstar u peit suh ia ka Nebika, ma ka ruh ia u.
 “Sngewbha mab seh pa. Ngi la bakla. Mab ia ngi.”

“Ngan mab ha kano ka dur ?”

“To shah seh. Sngewbha shah ba ngan wan sah ryingkat noh
 bad i Bniah.” Ka Nebika ka khieh khrip khrip ki khmat.

“Haba kumta, kiba ha ing jong phi ki ong kumno ? Balei ki
 phah tang ia phi baroh aragut ?”

“Kim suk ba ngan ia ia id bad I Bniah ! Dei na kata ka daw
 ba nga mih na ing da ka bor. Ym don ba tip hi ruh ba nga wan
 bud ia i. Mab ia nga. Dei ma nga kaba pynshoi ia i khun
 jongphi.”

“Kumno kumta ! Phi ia tur pyrshah ia ka diug ! Bih, naduh
 hynne, nga la dep ong ba ngi donkam ia ki arliang ing ! Dei na
 kata ka daw kein ! Haba kim suk, kumno kein nga lah ban bah
 khala ma nga. Phi ong ba kim suk ? Te kumno pat phi ia bat
 sah miet ia u Bniah !”

Ka Nebika ka peit ia u Bniahstar halor ki ummat kiba lang
 ha ki pukri “Im shym sah sha ing jong ngi. Nga ruh nga la mih
 na ing naduh hynnin. Mab ia ngi. Ngi la bakla.”

“Em ! Em ! Kam long da lei lei ruh ban shu bah khala ia ka
 jait ka kynja ki-wei. “U ieng joit, u ia id sawdong ka kamra.” kam
 long ban shu kner ruma na ka thylliej ding baklang ! Ew ki
 khynnah, ki kynjoh ruma ia ka haw haw.”

Ka kmie kaba kyrdem kjat marwei marwei sha kamra shetja,
 ram man lah shah satia khlem da ioh ban pyllait lut ia kaba la
 kyan ha khmut. Ka da rung, ping ping sha kamra shongkai la
 kum u shipai-ba kilan met. “Ban ia lei pat ba ia shong hangne ?
 Ia mih shisyndon ! Mih klo !” Ka tur sia sia sha u Bniahstar.

“To ap seh kmie ynda ia kren ! Ban lei ynda sia sia kumne ?”

“Phi te kpa, phi ailad palat ! Phi ia shah ia u ne ! Phi ailad
 iaka sniew !” Ka kmie u Bniah ka sangeh tden, ka phai sha u
 ’men kpa,

“U shiah te kmie, la khlem da pong, hato un shu mih hi

sha madan ? Da pyrkhat seh knie; iai shah seh kmie, ngan da khana suki jai, ioh lehse phin iarap pyntba lem u kseh."

"Phi te tang kata ! La leh u khun haduh katne ruh phi dang hor hor kum u wang bam im."

"3a phi dang bunkam te kmie naduh hynne. Na kata ka daw, nga kwah ba phin da shong shuwa."

"Shong ma phi ! Phi uba sngewieit khun palat ! Nga te ngan don por !"

"Phi la klet mo kmie !"

"Klet ia kaei ?"

"Hynne mynmiet phi ong ia nga ban sympat ma nga na kamon, ma phi na kadiang. Mynta pat phim don por ! Shim sympat sa ma phi ioh u la bylliang palat ka kamon !"

"Yn sympat ia une ! Yn ioh kdait na ei ?" Ka da idom bad i shyrkhei ka dur khmat.

"Da u thylliej, kein kmie ! Wa, phi la klet ia u atiar bakordor tam. Shim, kylli, byrthew sa ma phi ! Ngan da bam kwai, dii duma ma nga !"

"Te, balei u jah na ing !" Ka da phai kynriang na ki.

"Kylli na ki seh ! Phi kylli pynban ia nga."

"Shaei me jah miet !" Ka phai sha u Bniahs'tar, kam man peit satia ia ka Nebika "Bad nga te mynta ka sngi la iakynduh." I kumba kan kynrup ia u Bniahstar.

"Ha ing jah." Jubab kyih u Bniahstar

"Ka ing jah aiu kata !"

"Hajan lyngkha i ma Dhum." Katba u Bniahstar u dang ai ka jubab, u Bah Shew u da pynkhih met kir; u da rah la ki tyrpeng ban iohsngew ia li jubab u Khun.

"Wow ko Blei ! Ka pyrthei aiu kaba kum kane ! La khyllah hi khait ! La kum ki masi ki blang ! Ew, la jngai na u Blei hi bak !" Ka da phai da ka jingdom kumba kan phet noh na kata ka jaka ba ka don.

"Mab mei, Mab ia I, Dei namar jong nga. Nga ieit te ia I.

To shah seh ba in shimti ia nga." Ka Nebika ka khni iam.

"Ka pan mab thik thik ! Kumno pham lehrain ? Pha la tur iap sat hi !"

Katba ka kmie u Bniahstar ka dang kyrbeh; ka kong kyntiap bad u kpa ka Nebika ki rung kynsan kluk "Pha hangne pleng !" Kynhied kynsan ka kong Kyntiap. Jak sngap kmie u Bniahstar. Ka kong Kyntiap ka tur beit puk puk sha ka Nebika "Khun ka shandar !" Ka da ai shithab na khlieh "Ieng shisyndon !" Ka da patrong na u shniah khlieh. "Pha wan poi lei shane !"

"Kong Kyntiap ! Sngewbha seh da pyrkkat lem ia ngi." Kynrup ktien u Bah Shew.

"Ia ka khun la jong nga lah ban leh katba nga mon !" Ka kong Kyntiap, ka da peit dom ia u Bah Shew.

"To leh sha la ing la jong kein ! Wat leh hangne ! Wat pynjaboh ia ka ing-jongngi ! Wat pynhuri hura hangne !"

"Phi la iasylla mo ! Phi tharai ba u khun jong phi un lah mo ban bsa ia ka khun jong ngi ? Wat pyrshang ho !" Ka da tan ia ka Nebika na ka tapmohkhlieh.

"Sylla ia kaei ! Da sngap shwa ! Wat pat mih ! Lym kumta, nga la ong lpa !" U Bah Shew u da ieng joit da ka khmat kaba i dom.

"Ia kaei phin ong !" Phai ktien sa u kpa ka Nebika. U da leh dom kum ban kynrup ia u.

"Da shong ! Ngam da batai naphang !"

U kpa ka Nebika u tare la ka kti sha ka shuki. U shong de hangta. Katba, ka kong kyntiap ka ieng hangta da ka dur kaba saw tlein bad ba isamsia.

"Kong Kyntiap ! Phi dei ka briew ba la rangbah ! Phim dei ban shu lep lep kum u skum ryndai !"

"Ia la ka khun ! Nga don ka bor ban leh katba nga sngewbit !"

"Lada phi ieit ne phi isih ruh, ngam lah ban tip ! Hynrei, jait ba ki la ia bakla, ngi donkam ban da iakren ! Ioh lehse,

lashai hadien phin ong ban ia pynkam kpa jubor !" U Bah Shew u plaid shaid shaid ia ka phang.

"Phi tharai ba ka dei ka dakaid !"

"La ka long kum ka puri Bleri ne ? Ngam lah ban ai nishan ! Tangba ka wan bud ia u khun jong nga, nga donkam ban da kren ! Phi te phim iohi, nga ruh ngam lah ban batai stad. Tangba, ka ia wan poi ing hynne mynstep la kum ka 'langbrot sah miet ba shah pynma mynrasiang ! Da kylli hi na la ka khun, shano ka ia wan sah miet. Ne, ba jler palat ma nga !"

Ka Kong Kyntiap ka phai sha la ka khun kumba kan kynrup Ka da kynphia la kumba kan klun tylli ia ka. Ka da kyih meb meb la kumba khieshoh rieh. "Pha pynkhlemrain iano ! Sala ! Khun ka tamsneng !" Ka da niad la ki ummat "Haduh katne phan pynpait ia ka dohnud jong nga ! Iaid !" a niat kynsan ia ka Nebika "Iaid klois sha ing !" Ka da pakhud ia ka khun, khlem da phai ktien shuh iana iano ruh. U kpa ka Nebika de, u ieng kynsan joit kumba tieng ba la sah marwei. U da mih jynthet nangta na ing. U Bniahstar de u rnng noh bak sha kamra thiah.

LYNNONG - 3

Ka kmie ka Nebika kaba la pun lpa ka jingisih ia u Bniahstar ka nangsngewingkhong shuh haba ka khun la jong ka la leit bud tuh ia u. Ka da pyrkhing triang ia ka leit ka wan ka Nebika. Katba lah la ka bor, ka synran ha kti ha kjat. Ka da buh de ki nongsyntiat haba ka leit bad ka wan college sha Shillong. U kpa de, u iai byrthen kum u laren, um ju shah ia ka ba kan leit shano shano khlem ka jingtip jong ki.

Ka Nebika kaba la aiti lut la ka met bad ka mynsiem ha u ba ka ieit eh, kam man suk satia ka pyrkhat pyrdain. Ka im tang da ka syrngiew. Kam sngewthuh sngewthaw haba ka don ha ing ne haba ka leit college. Marwei ka buh jingmut ba kan mih noh na jng ban leit bud ia u ba ka ieit eh. Pynban, kam lah ban leh kumta, ba kam iohlad ban iakynduh ia u. Haba ka

thiah, ka syngkhlieh kam ja rkhiang satia. Teng teng ka ju thiah kumto khlem bam khlem dih bad teng pat ka shu bam ja miaw. Haba iohi ia kane, ka kmie bad u kpa ki ia khroh ja ka ba kan klet noh ia u Buiahstar. Ki da pynkwah ia ka laipbew ja t. Ki pynsheptieng ruh ia ka ba kan shem jingeh lada kan iashong bad u Buiahstar u khun ka knup ka trab. Ha ka juh ki por, ki ai mynsiem ia ka ba kan peit da u briew uba don ba em, uba beh kyrdan, ba kan dup suk la ka jingim lashai lashisngi.

“Ka pisa kam lah ban pynsuk ia ka mynsiem Ka mynsiem kan suk kynjai tang lada ka jingieit bashisha kan ioh ban synshar! Ym don lak ne putit ka ban weng noh ia ka jingkyajah bad ka jingkthang ka mynsiem! Dei tang I Buiah iba ngi la ia kular skhem bad iba nga la dep aiti lut” Ka Nebika ka pynshai ha u kpa bad ka kmie katba ki dang pyrshang ban pynsgewthuh ia ka.

“Mynta te phin ong kumta kein khun! Hynrei, katno slem kita ki lah ban shan! A ko khun baieit, phin sa sngewthuh kein ynda phi la bun la ki khun ki kti. Dei hangta ba phin sa iohangew ia ka jingban khia ka lyngkor.” Ka iai pyni ka kmie.

“Wat pyrshang seh mei! Wat pyrshang tyllap da kumwei pat! Ngam lah te da lei ruh ban khlad na i Buiahstar.” Ka da pynnoh rangieb la u shniuh khlieh barymphai.

“Ngi kiba la mad Ngi tip khambha! Na kata ka daw ngi kren ia phi! Ngim kwah ba phin ngat ha ka, apot! Ngim sngewlah te khun ban shu ia peit ha kata ka por. To seh khun, katba dang don la ka por, to sngap lem ia Ngi. Nga da kular ngan ba kyrshan ia phi haduh ki kyrdan ba phi dang kot la ka bor. Nangno te khun phin ioh kat kane ka lad; lad ngim ieit ia phi;hato ngin pyni mo haduh katne? kane ka spah ka hajar, ka lak ka putit, ka dei ka jongphi. “u kpa u da weng noh ia ka tupia ky der na la ka khlieh, u da trud la ka khlieh syllen.

“Lada nga bam tang da ka ja mluh yn sa lei? Haba nga suk bad nga hun ka mynsiem; phim sngewthuh te pa, haba ong, duk suk; riwspah fynjar trab; Nga te nga la iohmad mynta; Katne nga shong, nga thieh halor ka ksar ka rupa, pynban nga la duh

ia ka jingngewhha mynsiem. "Ka Nebika ka ieng artat joit, ka rung jiang sha kamra thiah. Ka da khang phlor ia ka jiangkhang.

Ka kmie bad u kpa u Bniahstar, watla kim don dak sniew elei ia ka Nebika. Pynban ki la kiew ingtyrkhong tang nama ka jingleh ruma u khun ia jong. Nalorkata, ki da sat shub shuh haba ki la tohi ia ka jingngewhheh ka kmie bad u kpa ka Nebika. Ki da khang dingding dang dang ia la u khun. Ki pyni ia u ba u dei ban pyrkhat thynmai noh, ban wad da kaban iahun lang lada dei ban ia bam tang da ka ja bad u dai.

"Nga sngewdei ia ka jingpyni jong phi. Hynrei, nga sngewsah pop ba nga la pynjot ia ka Ngam sngewdei ban shu pynkit khunrei. Hato ngin sngewkumno kein lada ka jait ka kynja jong ngi kan'ngat ha kane ka juh ka apot ?",

"Haba kim suk te me ! Hato men leh kumno ! Men leh aiu ma me mynta !"

"Lada haduh katta te ngan sa peit; u Bniahstar u pynhun ia ka kmie bad u kpa.

Kumba ka sngi ka lai mih bad lai sep U bna' de u tailung bad lai ngen. Kumta de ki jingmut jingpyrkhat ki-lai san ha ka Nebika bad u Bniahstar. Ka Nebika ka iaikmihlynti; ka lai bub jingmut ia u ba ka leit. U Bniahstar de u lai pyrkhat sngewhha ia ka nusip jot ba u la ngat. U bynniaw ia kata ka sngi kaba u kum iakynduh, khatduh bad ka Nebika, kaba long artat ka sngi ban kynmaw jumom. Ka bniew te ka ia bup kein kumba ong i pa ! Hynrei balei ngan pynlong phiang phiang bam sieh ialade !"

Ha kawei ka sngi, ka leit jia ryngkhat kumno re, katba ka Nebika ka dang laid wei briew ha iewduh, ka lo iakynduh khuk ia u Bniahstar. Ka jingkynduh khlem po' pyrkhat, ka shyt da ka jingkmea ka bynflah shuh ban ong. U klongnam ha baroh ar, la kum ban ia rynsieb bfuir, ban la dat lang sbak. Ka jingkyiuh kmea ka shlon khlem da aili iang iano ruh. watta ha lyna' iew ba khapniah, pynban kim mmo iahsngew satia ia ka jingkhsium kiba jaid baieng. Sa shino, u Bniahstar, u tau, u tyngeng ia ka Nebika ba kin ieng kham sharud.

Naduh ka khyllapmat ha lewduh, ka Nebika bad u Bniabstar k? la ia mih syndon la ka ing watla ki arliang ing ki ia kyan mar-kylliang, pyndan ki arngut kim man pynphai la ka kbmam ne ka shkop ne ka jingshempbang. Haba la syaid hur ka mynsiem ki klet ia ki kmie ki kpa Watla ki kmie ki kpa ki ia byrngem, ki ia kyrbeh, pyndan ki sangap kuman khlem khuh satia. Jar jar kum ki mawramsong, ki palei kynjai, kim riej bad kim tieng. Ki arliang ing, kiba la ja sat sia naduh ka sngi ba leit bud ka Nebika sha ing u Bniabstar, mynta ki la pang ia shut shuh shuh, ki da ia peit samsia kawei ia kawei. Haba iakynduh ha lynti ha syngkien, ki ia kyrbuh, ki ia kyrbeh kumba kin iakynrup. Pynban kim man iashlan ban ia tan la ki khun ba ia tieng ioh ia mynsaw shilliang shilliang.

Ki shijur ba dang shu shei, haba kim sngewlah shah ia kine kiei kiei, ki la mih bak na la shngong ban leit shong ing wai ha ka shngong bamarkhap, kaba don ha lyndet ka shngong jong ki.

LYNNONG - 4

Haba la biang la ki bnai, ka Nebika ka la kha ia u khun shynrang uba bhabriew jylluin lymphuun. Katno ka jingkmien haba ka la ioh ban kheit ia u soh kumba ka iai apkhmihlynti da ka jingkyrmen baroh shikatta. Ka jingkyrmen ka kynrup ruh ia u Bniabstar uba la shim mynta ia ka kyrdan kum u long kja u da sngewphubmut phuhmat bad sngewpher ha ka jinglong briew ban ia kaba ju long man la ka sngi. Ka jingkmien ka du pyrsut tyngeh ha ki ba ki don ka jingkyrmen ban ioh ia ka jingsuk na ki arliang ing. Ki don kata ka jingngew ba ki kmie ki kpa na baroh arliang, kin sa hun bad hiar mynsiem haba ki la ioh ia u khun uba long u, thning ha ka jingim briew bad ka sakhi ia ka jingialong shikurum.

Kumne shilyotet, ka ing jengki ka shngain bad ki dap da ka phutmut phuhmat washada kiba ha ing kim man wan kiew sha ki. Kyndong baroh arngut, ki tanci la ka bor ka buit nad ka jingit ban ai ka sumar sukhar kaba shngkun ia u khunlung.

Haba u khunlung u la dap shiphew bnai, u Bniahstar u la shah pynkyorish kam sha Jowai. Haba u la dei ban trei sha Jowai, u Bniahstar um banse ban sah syndoh sha Jowai. Kane ka jingshah pynkyorish kam jong u Bniahstar, ka la pynsngewkynjah bad sngewmyllung ia ka Nebika, ba ka la dei ban sah sa tang bad u khunlung hangta ha ing shongwai. Ha ka jingsngewkynjah, La Nebika ka la kwah ban leit sah lang sha Jowai, pynban u Bniahstar um shah ban leh Kumta ba u sngewshogain ba ka don ka kong Syntem kaba sah marjan bad ki. Ka kong Syntem ka ju ai buit ai mynsiem bad ai kti lem ia ka Nebika ha kaba sumar sukker ia u khunlung. Ka kong Syntem ka da long shisha kum ka hynmen ia ka Nebika bad u Bniahstar.

Ki snem ki nang iaid, pynban, ia u Bniahstar ym shym la ailad ban wan phai biang sha la shong. Ha ka jingiaid jong ka por, ka Nebika ka la ioh sa i khun ba ar iba dei i kynthei. Haba la ioh ia i khun ba ar, u Bniahstar u la pyrshang ban kbroh ia u officer ban u pynkynriah biang ia u sha Shillong. Pynban long lehnohei ki jingpyrshang.

LYNNONG - 5

Ha ka jingiaid jong ka por, ka Nebika ka la sdang ban sngewfthuh ia ka jingkylla. Ka kynmaw ia ki por mynba ka dang samla. Ka pynshongdor ia ka mynta haba ka la don aragut khun. Kam lah klet ia ki'o ki por ba ka ioh ban leh pahuh pahai shew shew. Ka da sngewmyllung ialade ban ianujor bad ka jingkyrduh kaba iakynduh ha kane ka por. Kum ka briew ba la im halor ka spah ka hajer, kam da nang kumno ban leh khapnap khappit. Kumta, kat kaba ka ioh, ka pynfut plain plain. U Bniahstar, haba u ai tulop, u da mang tam nalar ka baibam ba kan ioh ban kynshew kyndiap. Pynban, katba nangaitam, Matta ka nang lut phut. Haba la iohi ia kane, u Bniahstar u la hab ban pykhat arden. U da ialeh dalade hi ban kynshew kyndiap khyndiat khyndiat na ka byata ka lawel.

"Ka jingim jongnga mynta, ka long kum ba ri khlaw haba ia nujor bad kito ki per ha ing i mei ! Ngam sngewkop shuh ialade kum ka briew !" Ka Nebika ka iai puson hala marwei katba ka dang shongkai halor jingthiah "Kiwei ki paramar jan marpa, ki ioh la ka T V, ki ioh la ka riam ka beit kyrphum. Hynrei ma nga hangne ! Shano kein kata ka jingsngewbha ! Nga kaba la sniew la ka kupar Nga iakyoduh bad u briew uba dang rit ka kyrdan, uba duna ha ka jingioh !"

Haba u Bniahstar u la u wan shong ha ka sngi saitjain. Ka Nebika ka la khroh ia u ba u pyntheid noh da ka T.V.

"Ka T V., Phi phohsniew ne phi ruma ne kmie ?" U da wait rymmuin, u kloh artat ia ka pla soptieh.

"Ba nga la phohsniew manla ka meit kein kpa ! Ngam banse ban iathuh haphi uba donbor." Ka da bat kai ia ki shympriahkti kadiang jong u.

"Nga tharai, ngam da donkam ban batai jrong. Phi la sngewthuh hi ia ka bor jong nga !"

"Phi shu ong te kpa ! Ba phin da mon, phim don balei ! Phi bishni te kpa ia nga !"

"Ba ngan da don te kmie, ngan da thansi lei ia phi "

"Sngewsynei lem seh kpa. Nga la ngiah te tang ka e ka tem tape lynter taid. Ban da don T. V, te la kham myllen !"

Ka Nebika ka bym ju pep ban peit ia ki jingpynidur ba laiphew jait ha ka T V., mynba ka dang don ha la ing, mynta ka sngewkwah ban iohi dik dik ia ki jingpynidur kiba ka shu iohsngew sa tang ha ka jingiathuhkhana myllen ki paralok ha ba ki ia rung ia mih kai teng teng. Ka kong Syntem ka ju khot ia ka ba kan leit peit myilen ha ing jong ka, pynban kam sngewdei ban leit iakhung kyndung la ki khun rit sha ing ki briew. Ka kong Syntem, haba ka la sngewsynei, ka la khroh ia u kpa ki khun ban ai kai noh ha ka Nebika da ka T.V., rit kaba la shu buh kai sha kyndong khnang ba ka Nebika kan myllen bad la ki khun rit. U kpa ki khun ruh de. da ka myosiem khlur, u la shah sngewbha ban ai kai ia ka T.V. ha ka

Nebika. Da kane ka T.V. ba la ai ka kong Syntem, ka Nebika ka la ioh ban pynlut la ka por haba ka la dep kam dep jam.

Ka kong Syntem bad u kpa ki khun, u Bah Phaineh, ki long ki briew kiba 'riewspah bad kiba bha mynsiem. Ka jingklur mynsiem jong ki ka pynlong ia ki ba kin iarap ia kiba shem lanot ne kiba rit baria. Dei kane ka mynsiem sngewlem jong ki kaba la kyntu ia ki ba kin long kiba la klo'i wat ban ai kai kat ia ka mar remdor ha ka paramarjan kaba dang shu ia ithuh shen. Kine ki arngut, nator ba ki ju leit pynshngaiu bad ai kai ka T.V. Ki ju pynthied de ki jain ki nep ia ki khun jong ka.

U Bniahstar, haba u la iohi ia kane ka jinglehbha jong ki, u da sngewpyrto shikatdei eh, haduh ba um sngewlah shuh ban shakri kylliang ia ki. Shibani patde, u sngewrem ba ia juh ia jan than bad ki briew kiba riwspah Kumta, haba u wan shong teng teng, um ju pep ban leit shongki ha ing jong ki ban pynpaw ia ka jingsngewlem ia kaci kaba ki la leh.

LYNNONG - 6

Ka sngi ban kyntiew kurim ia ka khun ka kong Syntem bad u Bah Phaineh ka la jan. Ki paramarjan marpa ki la ia bunkam ha kaba leit ia aikti lem ha ka pynkhuid ing, ka saitjain saitnep bad bun kiwei de ki kam ing bad kam bar kumjuh. Wat u Bniahstar ruh, u da shim shuti ban ioh iarap lem.

"Nga sngewsynei te kpa ia lade ! Kumno kein ngan leit ing iathoh khlem riam khlem bait ! "Ka leh diaw ka Nebika.

"Ew, kine ki kynthei shisha te mo ! Tang ia ka riam shibeit !" Khnium u Bniahstar.

"Phi shu ong te kpa ! Teng teng, sngewkhwah riam bha te lada iohlad. To seh kpa, pynthied ia nga da ka dhara."

"Sem da kito kiba dang dep thjed mynshebmai kein ! Kito ruh la kat ka dhara hi te !"

"Phi khapnap palat te kpa ! La arngut khun, tang ban pynthied dhara ruh phum nud ! To seh kpa, Sngewbha seh ! Kat sha ing iathoh te kpa, sngewkhwah sem da ka dhara te ;"

Ka Nebika kaba bat leit ia ki liti u Bniabstar, ka da phuhsamr-khie rymmuin.

"Ka dei te kmie ba ngan khapnap! Nga khapnap ban dup ioh kynshew! Lada ngi shu pynlut khoit khoit khlem da don pisa ha bank, ngin sa shem jingeh hadien! To seh kmie, ngin ia kunai ban lait na ka jingklusla!" U Bniabstar u peit ia ka kmie ki khun da ka khmat kaba i khia. U i dap da ka jingmut jingpyrkhat haba u kren ia kine kiekie.

Haba la thiab, ka Nebika ka iai pyrkhat jylliew la ki jingshem "I kpa u Bah Bah te iba khapnap palat. Ngem ngeit ba im don pisa. Nga te ngan nym leit sha ing iathob ban khlem ka dhara! Mynshwa nga ioh ban bujli da ki jait pa ki jait ki riam bad ki har pa ki har ki rong dhara. Mynta pat, kat sha ing at ioh ngan hab ban sem da ka Vimol! "Ban da tip lpa nadi h mynshwa!" Ka pynshongdor la ka kupa la jong "Shish ka nusip jong nga! Ean da ngeit ia i mei, hato yn khulai lei!"

Ka sngi ia kyntiew kurim ka khun u Bah Phainei ka la poi, pynban, ka Nebika ka la pep hi tdoin. Kine ki jingleh jong ka ki la pynsngewsih khang ia u Bniabstar Marwei u kynmaw ia ki por ba la ia khlei ia ki juban U da pynshongnongrim ia ki kyntien kiba u la pynpaw ha ka ia ki jingeh ba kan iakynduh da kaba iashong bad u uba duna ha ka jingioh. "Dei ma i hi iba la pynbor ia nga! Dei ma i iba la pynshlur ban iur pyrshah ia ki jingeh! Pynban mynta, da kumne seh ka shet thai ka pyrkhat briew!" U Bniabstar u jaw ummat sngewsih marwei hangta ha ing bylla katba u dang pynshongdor ia kiekie kiba u la iakynduh ha ka jingim jong u "I mei i la ong! I pa ruh de! Pynban ngam lah ban bret noh ia ka jingsngewsynei ia ka kynthei ka bapli! Pynban mynta, da kumne! Ngam lah sngewthuh! Balei i kmie u Bah Bah i longjingmut khyllung kumne! Ngam lah pe'phang! Lada kumne, nga sngewsyier ia ka lawei ka longing!"

Wat u Bah Phainei bad ka Kong Syntem ruh ki da kren sngewsih ia ka jingleh jong ka Nebika. Wat la katta, kim da buh khob namar ki iohi ba u Bniabstar u Kitkhia haduh wow

ia ka kam ha kitei ki sngi.

Ka Nebika, ba kan iada ia ka rain ka rem, kam banse ban iathuh hok ha u Phaineh ia kaei kaba la jia. Kam da don jingsngewlehrain ne jingsngewrem ban iathuh ha u ba ka la sngew ia u kum uba ha ing

“Balei phim ong ia nga ? Wa ine i hep ! Ia phi nga la sngew kum kaba ha ing ! Kaei kaba phi donkam, nga klo ban iarap.”

Ka ktien ba u Phaineh u kren ka da iaid bynrap bad ka kam. Tang hadien lai sngi, u la wanrah ia ka Nebika da ka jainsem dhara rong makhon.

“Em phi bah ! Ngam treh phi ! Phin pynthied lei kumne !”
Ka Nebika ka da sawkyrang ki shkor hi lain.

“Wat ong seh kumta ! Ngam sngewdei te ban shu peit ! Ngam sngewlah khlem da leh eiei haba nga iohsngew ! Lada ma nga nga im pahuh shew shew, hato balei kein ki rud ki kiar jong nga kin ia im pynrit mynsiem ! Sa ong ia u Bniab, ba un nym sngewpher ei ei ia kane ! Ym dei tang ia phi ba nea ai !”

Ka Nebika ka sngewrem halade marwei ba kum ma ka ka khun binong ka khun bishon kan kylla long kum ka longkhrong. Ka da bitar tyngah ia u Bniab. Ka shim beit ba baroh ka dei na ka jingbymlah jong u ban pynthied dhara ia ka ba ka sa poi haduh kat une u pud

Wat la ki sngi ki march stet, pynban, ka Nabika kam pat lah ban khang khyrdep ia ka lynnong dhara rong makhon. “Balei mo i Bah Phaineh i ai kat kane ka dhara ?” Ka lai kyili ha la marwei. Ka lai burom ia u haba u wan shongkai ha ing. “I mat ka don ka daw !” Ka pynshongdor. Ka sdang bau pyrkhathajngai, sha bym lah mutdur. Ka jingbuh jingmut jong ka, ki pynkulmar wit ia ka bor pyrkhath jong ka. Haba la khlain ka pyrkhath, Ka pynshong nongrim ba ka la dei beit hi thik kumba ka mut Ka jingsngewskhem jong ka ka pynlong ia ka ba kan burom ia u kat lah kat lai Ka da leh jan ia u “I mat ia ngiah ia ka kong Syntem ka ba la nob tymmen ! Nga

donbok pynban mo ade! U mat iadep shato u Bniah! Nga dei ban pyrkhata ka jingim bad ka lawei ki khun! Watdaci te! Ban kumne em! Sa ban tyrdi artat!"

U Bah Phaineh kumba u ju mlien ban leit shong shngain ha ing ka Nebika bad ka kmie ki khun, kumta um ju kham pep ban leit rung kai kumba leh lem ha ing kiwei de ki paramarjan. U da don ka jingsngew ba lada u ioh ban shu rung bam kwai ka la biang.

Ka Nebika kaba la sngawkynshyung kum ka tabut khlem saikun, ka da pynap kwar haba u Bah Phaineh u poi rung kai ha ing jong ka. Ka shlan wat ban pynsyllud kti, syllud met haba u kun ud pang met pang phad. Kada shlan wat ban phah syllud kylliang ba la thom ka mon.

Ynda la iai mlien, ka jingsngewjuh bad jingsngewjan kam kut tang ha ka Nebika. Pynban, u Phaineh uba iohthiah lyng-ngeh, mynta u la sdang ban kyndit thiah. "Sa tang u sniang u ban kyrniom ia u Mawlynnai!" U da klet ban pyrkhata ka hynnin bad ka lashai. Tang la biang ka mynta, um ap kat ban da neh ka shanam.

LYNNONG - 6

Ki briew sharud shakiar, ki la sdang ban iathuhkhana jyrwit jyrwat, siet siet, soit soit, ia ka jingleh juh leh jan u Phaineh ha ing ka Nebika. Wat ki khmat balur lui kim lah khlem da peit lorni haba ki la ishan khmat ia kaei kaba ki iohi. Ka jingiapait bad ka jingiasuba sniew ka jong ki, ka la poi ha shkor ka kong Syntem. Pynban, ka Syntem kam man pynleit jngmut satia. Ka da sngewatnud ia ki 'lok kiba shlur ban ia tharai sniew kulmar. "Ki shu ia tharai sniew ia ka, jait ba ka dei ka sohshnong" Ka da sngewsang ban shu pynrem ia la u kpa ki khun bad ka Nebika. "Ka pyrthei mynta! Ki kwah tang kumno ban pynpait pynpra ia u khiewja kiwei!" Ka kong Syntem ka mutdur ha la marwei.

Uwei na ki 'lok, haba um sngewlah ban shu sngap ia kaba u la khangkhai bha, u la pasiaw ha u Bniahstar. U da ong "Tangba da kynmaw ho Lih! Wat nym pynpaw ia ka kyrteng jong nga!"

Da shisha, u Bniahstar haba u wan shnong, u da lyngngch ban shem ba ka duli ka iai dap smam smam. U da tharai sniew tynggeh haba la iohi ba ka Nebika ka la kham leh phuhmut phuhmat bad kham riam bha ban ia kaba ju leh baroh shikatta Watkatta, um tip pat ba ka synduk jong ka ka khapniah da jait pa ki jait ki riam. Marwei hangta u la thawlad kuono ban lap ia ki sabut kiba biang ba un pynksan la ki jinesuba sniew Haba la iai pyrkhat rangbah, u la rai ban wan shnong noh ha ka miet pdeng taiew.

Kumta, ha ka miet sngi balang, u la wan jar jar sha la shnong. U la poi ha shnong ha ka por khyndai baje Mar ia poi ha shnong, u la leit rung kai shwa hangta ha ing u paralok. Ynda la dap khyndai shiteng, u leit sor sor sha la ing. Na surok u iohi ba ka ing ka la dum. U da sngewduhnong ba ki jingap thap jong u ki la pulom ei. Ynda poi ha tyngkong, u iengkai shwa shiphang, nangta u iaid shaphang kamra thiah ban kysiew ing. Pynban, katba u dang thew la ki kti sha jingkhong it, u la iohsngew kumba don sur ba iakren hapoh ing. Ynda kumta, u sangeh noh iden la ki kti. U da pynshah dngong la ki shkor. Marwei u mutdur ba ka dei ka T.V., phewse ym don dak eiei ba kan dei ka T.V., namarba ka kamra-thiah ba buh T.V., ka la dum iongngit. Hangta, da ka jingsyep ka met ka phad, u sngapthuh ban bishar ia ka sur. Phewse, ka sur kaba mih ka dei ka jong ka Nebika bad uwei u rangbah u bym da shai bha ka sur. Tang malu mala u iohsngew ia ka sur rangbah kaba ong "Phim dei ho ban liat hano hano! Da leh tyngkan ioh sa tip u Bniah!"

Mar ia iohsngew ia kitei ki kyntien, u Bniahstar u da khyntiu niak kumba khieshob rich Marwei hangta um sngewnang leh elei shuk ba la kyndit palat ia kaei kaba u la iohsngew. Suki suki ka jingdom ka ksam ia ka dohnud jong u haduh ba u da kyih kumba khriat palat. Hangta hangta, ka jingmut dakaid ka rung ba u. U da kyriat bniat kum uba pang ring. Da ka jing bitar, u tied ia ka jingkhong, phewse, ym don ba plie satia. U iai pynkhih jubor ia ka jingkhong bad ka byrthen, u da kynphia la kum u laren. Ynda u la kyndar tynggeh ia ka

jingkhang, ki khun jong u ki ia kyndit ra bathiah. Ha kane ka por, ka Nebika ka, khie joit, ka da rah ha ksang kti ia ka khun kiba iam naba kyndit rot. Mar ia plie ka jingkhang U Bñiahstar u ai shithab ia ka Nebika. U rung de khum khum sha kamra thiah. U peit ia ka khrum ka khrab, pynban um shem eiei ruh.

"Une u bñiew u la khie king mo ade !" Ka Nebika ka da jaw ummat ba la bñiar lain ki ngab.

"Khie king kein pha !" U ai biang shi thab na kadiang. U da mut ban ksib ia ka. Pynban, u khun nyngkong jong u u lynniar tynggeh hangta ha jingthiah. Tang shu iam lynniar u khun, u Bñiahstar u phai wak sha u. Ka mynsiem jong u ka noh kynsan, u da jem jai ki kti ki kjat. U shim ia u khun, u piam, u doh u dait ia u, u da jaw ummat bad iam rangbah artat bhuk.

"Wat ju mlien ho ban leh kumto ! U bam sohmynten shano ! U wan sat hangne !" Ka Nebika ka kynhied ia u "Men da la ngiah, shu ong beit !"

U Bñiahstar um nang jubab ba la noh palat ka myasiem. U iai piam ieit ia la u khun.

"U la buaid te imat ! Ew u leh mynieit khun ! Wat ju mlien ho ban ktah kti ia ka jait ka kynja ki bñiew !" Ka da ieng kyrshan syngkai hi triang.

Tang shu kren kumtei, u Bñiahstar u la kiew jingdom biang, u ieng joit, u da kyrdem jling ia ka ing, katba u khun patde u piam skhem triang na ryndang. "Pha kynnoh buaid iano !" Khun ka bieit shynrang !"

"Lada ym dei kumta, hato men shu iakynduh hi bad ngi !"

"Pha ia don badno mynhynne ! Sala ! Pha la don da uwei mo !"

"U leh kumba iohi ! Me iohi kein ?"

"Ba nga iohsngew te ei !"

"Haba me la iohsngew, balei pat me dang wan rung ! Mem sngewjaboh ei re ! Khie mih noh ioh sa matlab ei !"

"Song kloï ki jain jong nga ! Song kloï mynta mynta !"

"Wei ba me la kwah mih, shim lum hi ! Ino me w'n buh shakri ?"

"Haba pha la don da uwei, ngan lei shuh ba dang wan shong hangne ! Lum kloï ki jain jong nga !"

"Lada mem nang ban lum hi ! Khie mih kumto ! Wat mut ba nga dei ka mraw jong me !"

U khun nyngkong, u piam tynggeh ia u kpa na ryndang, u da iam kynduh mynsiem Katba, ka barit pat, ka peit pynbeh kyndngang ha ksang kti ka kmie.

"Ngam ju phohsniew mynno mynno ba kan jia da kumne !"

"Wat wan kren jaboh hangne ! Wei ba mem shasih shuh, khie mih shisyndon !" Ka shim ki jain jong u na jingwah, ka kawaog ia u.

U Bniahstar, u kium ia ki jain, u thep ha kawei ka pla heh. U peit ia la u khun da ka mynsiem kaba dap smam, u sngew kumba kan bthei syndon thlup. Ki kjat jong u kim ailad satia ba un iehnoh jyndet ia kata ka jaka ba u ieng. Ki ummat ki jai kyrsoi haduh ba ki jai ryngkoh na ki reng ngab kum ka um na synrang maw. Ka jabieng bakyndeh ka pyrkhathar rukom. Suki suki ynda um sngewmvtol shuh ban ieng hangta, u doh ia la ki khun kiba iam, u mih noh artat bran da ka jingshlei ki ummat kthang.

Ynda la mih nangta, u Bniahstar u iaid ruma ha ka jingkulmar ka jingmut jingpyrkhat bad ka jingsngewkhia ka mynsiem haba u la hab ban jyndat ia la ki knun ba u icit thep mynsiem. Katba u dang iaid dyngngur ba lyuti u iakynduh ia u Kyndait.

"Hei kpa ! Kumno ki kam ?" U Kyndait u da sngewtynnat ban ong ia u Bniahstar da u kpa.

"Yn leit lait shuh shaei !" U Bniah u da bat ia u na tyrpeng "Men leit shaei ?" U kren ha ka sur kaba teh teh.

"Nga wan khnang shane ban syntiat ia me ! Kumto men da la mib, nga la sogewsahnud marwei ioh lehse kan jia pynban kaba shykabei." U Kyndait u da syllud pyntngen na tyrpeng u

Bniah. "Hadien ba la dep bamja, nga mih bran na ing. Nga iohsngew ba me iahylla, tangba ngam sngewdei ban wan lorni ia ka kam srngut." U Kyndait u da twadartat ia ka pla khung. "Kaei kane?" U da rkhie shahea.

"Nga sngewsih palat te me. Tangba ngam banse!"

U Kyndait, haba u la iohsngew ba u Bniah u la kynsluk, um sngewdei ban kren kai than "Te, shaei me mut ban leit?"

"Ngam tip, shaei ngan poi," U niad la ki khmat "Nga sahnud ia ki khun. Nga sngewkumban pait ka mynsiem.

"To koit kampher! Ia mynta shimiet, sah noh bad nga. Ka por kala miet, ym long ban iaid ruma kumne!" U Kyndait u da kdup ia u ha la shadem, u ialam ia u sha ing la jorg. "Wat sahnud ia ki. Lashai mynstep phi lah ban iakyn-uh ia ki. Wat khuslai na ka bynta jong ki. Ma ki ki biang bad la ka kmie kumba baroh shikatta haba ma phi phi don shajngai. Ki kpa ki shu sahnud haba ki jngai na la ki khun. Pynban, ma ki pat ki kham heh mynsiem, ki kham i palei haba ki don bad la ki kmie.

U Bniahstar u sngew ialade ba u dei u briew uba kordit tam ka jingim. Ban leit sha ki khun um sngewdei shuh ba u la sngewthuh iaka jingleh ka Nebika, u da sngewskhem ba ka la thom ia ka sang. U mut ban leit sha ing kmie, phewse, u don ka jingartaitien. Marwei u da sngewjakhom, u da pyrkhat kulmar laiphew jait. Haba um sngewnang kumno ban rai kut, u iehnoh bak ia la ka shnong da kaba u buh jingmut ban sah sha la jingtrei kumba u ju leh bad un sa leit iathuh sha ing sha sem ia kita kiei kiei ynda la nang skhem ki sabut. U da pyrkhat hi ruh ba un sa leit iathuh ia kiei kiei baroh sha ing ka Nebika khnang ba un long uba lait kit ram ia ka ban jia hadien.

Ka Nebika ka ty them ha la mynsiem. Ka da at khui ia ka jingktah kti jong u ia ka. Kam kynmaw shuh ia kaei kaba la ia khlei ia ki juban lak bad u. Ka da klet ruh ban pyrkhat ba ka dei hi ma ka kaba la tur jubor sha u. Kam man treh pyrkhat ia ki lynter ki jingim ba ka la iashong ryngkat bad u. Ha kane ka por, ka shim ba dei na u Bniahstar ba ka la duh lut ia ki jing-sngewbha baroh "Tang ban pyndap ia ki khun ruh um lah:

Katta ba u kob ! 'Ban da dang bad u, hato ngan ioh hi kumne :''
 Ka iai pyrkhath katha ka dang shong ha jingthiah. "Baroh
 shikatto, nga sngewjakhom ! Mynta te nga la laitluid. Iaei shuh
 ngan pyrwa !'' Ka sngewphuhmut haba ka phai la ka jingmut sha
 u Phaineh.

LYNNONG—7

Ha shnong bylla, u Bniahstar u iai dem pyrkhath marwei ia la
 ka jingshem. "Ngam lah peiphang ia kane ka jingleh ka Nebika :
 Ngam ju phohsniew ba kin jia kum kine kiei kiei ! Hato balei
 kein haduh katne ? 'Kam salia mo ia ka longrynieng !'' U da
 kyrthiaw la ki tmain haba u shong marwei ha ing shetja. "Na
 kata ka daw mo ade, ba ka la shlan ban pynngat ia nga ha ka
 jingriam, hadien ba ngi la iakhlad shipor ?''

Haba pyrkhath ia ki khun, marwei u dum ka huit ka stad. U
 iai mutdur kumno kin im bad kin heh kin san khlem ma u. U
 sahnud ia ki ba u la iehnoh jyndat. U da sng wmyllung haba u
 mynmaw ia ki por ba u 'ju ia don ryngkat bad ki. U pynshong
 nongrim ia ki por ba la leit kiba u ju marth bran bran sha la ing
 tang shu la kynmaw ia ki. 'Hynrei, mynta pat ! Kumno kein un
 leh ? Marwei u jawummat, u da sngew kumban bthei ka shadem
 haba u kynmaw ia la ki khun ba u ieit eh. "A, ka sangsot aiu ia
 nga ! Hato balei kein ki wan lyngshop kumme ia nga ? Ngam
 sngewdondor shuh ialade ban khlem ma ki ! Haba nga thait, nga
 jrem ! wat haba nga sngewniun ka met ka phad, phewse nga hun
 ka mynsiem, nga da sngew ba ka jingpang ka la mih lut na ka met
 haba la ia shem pat bad ki khun. Hynrei, mynta hangne ! Mano
 shuh kein ban ai jingtnge ia nga ! "Katba u nang iai pyrkhath,
 hangta u sngew kumba ka bneng bad ka khyndew ka la iakynduh
 lang. "Ka jingim ka suda, haba nga la dei ban iehno ia la ki
 khun. A ki khun bapli ki bym tip eief ruh ! Katta kin ap khmih-
 lynti ia nga ! Katta ki la lyngngoh ba ngam shym poi sha ki :
 Tip kumno kein ka kmae kan ai jubab ia ki ? Sngewsynei ia ki
 bapli. Ma ki kiba dang tip tang ia ka thngan bad ka ialehkai !
 Ki bapli ki bym bna ia ka bneng ka khyndew ?''

Ha ing ka Nebika, ki khun ki ju kynmaw ia la u kpa. U khun nyngkong u ju kylli na, ka kmie haba u la kwah ban iakynduh ia u, pynban ka kmie ka ju pynklet da kumne bad da kumtai.

Naduh ka miet ba ia ka-jia u Bniah bad ka Nebika, ka khubor ka la her stet sha ki phew bad ki spah ki tyndong shhor ha kata ka shnong. Ki paramarjan ki la sngewthikna la ka jingpeitsuh baroh shikatta. Kane ka khubor ka la poi ha ka kong Syntem. Da kane ka jingbna, ka kong Syntem kam sngewdei shuh ban shu tharai sniew kulmar ia la ki 'lok ki jor. Ka la sangah syndon tdam ia la u 'menkpa. Ka da byrngem tyngch ha u la pynjahburom ia ka ing baroh kawei.

"Balei ku kmie phi da kwah tip ia kata ? Phi te mo !"

"Wa i kpa ! Da kum ei phi kren kumta ! Hato ngam dei seh mo ban tip ia ka iaid ka ieng jong phi ? Dang mynta ka sngi nga iohsngew ba kin mih kum kita ki kyntien na phi ! Balei kpa phi ong kumta ?"

"Ia ka iaid ka ieng jong ngi u shyntang, kam bha te kmie ba phin da tuklar than eh de ma phi ka kynthei !"

"Wa ! Eh phi ! Nga lyngngoh ia ine i kpa ! Kane ka dei ka sien banyngkong ba kin mih kum kita kiei kiei na phi : " Ka kong Syntem ka la kiew saw ki shkor, ka da kyrphoh umbiah kwai sharud ki rymmiang shyntur. "Balei seh kpa phi kren kumta ;" ha ka sur khni iam, ka da niat ia u na tyrpeng, haduh ba la noh shyrtweng sa ka kud. "To seh iathuh ia ki jingshisha ! Balei ki brierw ki kynnoh ia phi :"

"Balei te phi da kwah tip ia kata !" U da pynat la ka shyntur.

"Ba ka dei ka kamram jong nga !" Ka kong Syntem ka da kyrdem kjat.

"U rangbah te kmie ! Haba u khlain la ka tyrpeng te u mat ia sngewthuh hi shato ! Haba la ai ia ka nam u Khatar lama !" U shong artat ha ka shuki ba don hangta ha kyndong.

"Mih ! Mih ! Mih syndon" Ka tan ia u na ka kud. "Ngam dei ho ka ing sorkar ba phin wan sieh lama ma phi ! "Ka iam artat bhuk.

U Phaineh u ieng na ba shong, u shaniah ha kyndong jingkhang.

"Ia ka tnga u briew phin leit tuh ! Haduh katno eh phi pohjait !

"Iano phi ong pohjait ?"

"Ba phi da dei te ! U tnga u nang leit sha jingtrei, ma phi phin nang tuh ia ka ! Ew ka sieh lama jong phi ! Phi sieh pynban sha Pakistan du !" Ka plie artat ia ka jingkhang. "Mih shisyndon !"

"Wat leh donbor ho ! Ngan leh katba nga mon ! Kane lam dei mo ka ing bashna ma phi !" U da peit ia ka kum ban troh.

"Ia ka ing, phi lah ban kam trai ! Ia nga te ym dei shuh ho ! Kynmaw bha ! Wat mut ba nga dei ka tin khat synrum !" Ka Kong Syntem ka da kyrshan tyngeh la ki kti ha syngkai.

"Kynmaw ! Wat pynwit ia nga ! Nga lah ban leit katba nga mon ! Nga wan katba mon ! Kane ka dei ka nongkynti jong nga."

"Nga ong ! Ia ka ing katba phi mon ! Ia ka briew te em !"

"Sa ia phi niangsh:i ! Ngam donkam shuh hi !" U phai artat wak. Hanga, wan poi ki khun, kiba ia peit lyngngoh dheng. Ki da peit siar ioh lehse kin ia kynrup mar met. Ka Kong syntem ka mih bak na kamra, ka da khyrdep kynsan tdam ia ka jingkhang jong ka kamra thiah. Ki khun de, ki ia mih noh na kata ka kamra da ka jingsngewrem haba ki la sngewthuh ia ka daw. U Phaineh de u mih noh bran na la ing.

LYNNONG—8

Naduh ba la shah beh ha ka kong Syntem. U Phaineh u leit pynskb m syndon kum u rishot pdeng ha ing ka Nebika. U da sngewshlur ban shim ia kane ka rai hadien ba ka Nebika ka la iathuh ba u Bniashstar u la phet lailum laiwah naduh kata ka miet ba u wan lap ia ki. Nyngkong, u la pyrkhatharsien haba kiba kum kine kiei kiei ki la wan hap shop ha u. Phewse, ka jingmut jingpyrkhatharsien baiong ngit ia u haduh ba um lah shuh ban pynshongdor kloilan ia kaei kaba un leh la kan buh dor ia u haei,

U Phaineh um sngewkop shuh ban dang shong ha kata ka shnong ba u la seng ia ka jingim thymmai. U kit ki tum ki tam da la ka jip sha ka shnong Nongthymmai kaba don kham sharum na ka shnong jong u.

Haba la wan shong wan sah ryngkat u Phaineh, ka Nebika ka da sngewheh, sngewkhrav ka mynsi.m. Ka sngewshngain ba ka don ha krung u heh saipan. Kam don jingsngewpyrwa eiei ba ka lah ban ioh kat ia kaba ka ang. Ka ing ba ki shong, ka thaba khrek ba dang thied da ki shuki remdor kiba thymmai. Ka Television ruh u pynthied da kaba heh bad ba don rong. Mynta ka la sngewjahthait bad ioh shong jyrtiang kjat ba la don la ka shakri shakor. Haba ka iaid ka ieng sha iew sha hat ka da bujli riam man ka teng. U shniuh khlieh de ka khap lyngkot bad pynkdor kyrphom. Wat ki khun ruh ki ia riam bha riam miat bad ia bam pahuh pahai.

U Phaineh uba la ioh ing thymmai, u sngewialade kum u briew ba dang kyrbam sniehdoh triang triang. Haba u leit sha jingtrei jingtah ne sha iew sha hat, u da sngewialade kum u syiar ryngkuh ba dang sdang speh ki thnaw. Da kumta de, ki sut ki but ki la mih madan khah khah. Teng teng u da ialam lang ia ka Nebika haba u leit peit jingtrei ne haba u leit iew. Haba dei de ka sngi U Blei, u da pynlut la ka por ban ia leit bam lyer pyngngad bad ka Nebika ryngkat bad la ki khun tlang. Iaka kmie ki khun, kumba u la ong, da shisha um don mon shuh ban peit. Haba u leit sha ing sha sem ban shim ki kot ki sla ne ban peit khun, um sngewtynnat ban shong lem ba um i lah peit ia ka kmie ki klun kaba la long kum ka mrav ha khmat ka du: bhabriew ka Nebika. Ki khun jong u de, kim banse ban burom jynrong ia la u kpa u ba pynbiang ia ki watla u la don la ka kmie nah.

Ka Nebika, ka da kyrmen ba ki kmie ki kpa kin sa suk ia ka ba ka la iakynduh ia u syiem ka lak ka putit. Pynban kam long kumta. Ma ki kiba la sdang noh mynsiem sha u Bniahstar, mynta ki la kiew ingtyrkhong shuh shuh ia ka haba ki la bna ia kum kine ki kam khyllah sngi kiba pynjaboh bad pynjaburom ia ka ing baroh kawei.

“Ngam lah ban sngewthuh ia i mei! Mynshwa i isih ia u

Bniahstar namarba u long uba duk ! Phewse, ngan da la ioh da u badap babiāng ruh im patiaw hi ! Ew ka jingsniew mynsiem jong i ! I shu leh myn ai daw du pleng !” Ka iai puson ha la marwei haba ka la shah beh ha la ka kmie mynba ka dang leit ban iathuh ia kiei kiei baroh. Ka da rah kylla ia ka jainsem dhara ba ka mut ban ai sngewbha ia la ka kmie “Imat la don kiba pynshad samtaw ia i !”

U Phaineh haba iashongkai ha ing, ynda la wan jingtrei mynmiet, um ju lah khlem da peit ieit ia ka kurim thymmai “Ka met kaba itynnāt shisha ! Ynda ka rkhe lei, ew. ka da ktik ia ka dohnud jong-nga .” U pynshongdor ha la marwei. “Kum kine te shu lut ksan tang ka bai jain bai nep ! Tangba ym da sngewthuh than ia ka jinglut ba ka nang patde ban leh ieit. “U nujor kumne khlem kut trai.

“Ei Kmie u bah, sa khreh lashai ngin ia leit phah thaw sohshkor noh da kiwei ! Phin shu deng than da kito ki rynjain rynjep leit long shano ! Nga te nga kham ikhia thew hi ba deng da ka ksiar. “U Phaineh u pynhun kduk ia ka Nebika.

“Katba phi ong ! Ka da kren pynkhih met ba ka la ioh kat kata ka lad.

“Donkam ban kham pynjan shuh shuh ba kan kham sngewthuh kumno ban burom. “U pyrkhat ha lade.

LYNNONG—9

Haba la poi haduh kat kane ka apot, u Bniahstar um sngew kwah shuh ban wan sha la shnong. U da raikut ba un pynlut la ka por sha jingbylla. “Ngan leit sha shnong, ngan nym lah ban shu peit ia ki khun ! Kata kaba nga sngeweh !” U da iam paitdohnud marwei “Ia ba ngan shah iuh jem daw haduh katne ! Ngan thied noh da ka kiad ! Dei tang ma ka kaba lah ban synran ia nga. Ka kiad ka paralok ha ka sngewbha ! Dei ruh ma ka ha ka shipa. Ki ‘lok ki ia ong kumta. “Kumta de u thied shiteng bilor ka kiad pharsi. Tang shu poi ha ing, u khynrad ka shet ka tiew. Ynda la ih ka ja ka jyntah, u leit sha kamra thiah. “Ngan leit khot noh da u ‘lok ba un pynshngain ia nga. “U da tare la ka

kti sha ka pla snieh kaba wah ha kyndong jingthiah." Dei tang ma me me 'lok uba lah ban ai jingtngen ie nga. Ia ngin shongkai bad nga sha ing shetja."

Ha jrong ka miej, ha ing shetja, u pynieng ia u bitor shiteng, u buh pynshngain sa ka klat hangta ha syndah. U buh de sa ka ka song shana budam. "Kat uba jop ha lih ! Wei haba la ia ieng paramarwei, lada jop ma me ne ma nga ruh ka juh." U khyllem artat shi klat smam. "Ban eh daw ka long shynrang." U da pyn-dei da ka klat ia u bitor, u am artat kroid. U da shri lain, u kyrngah la ka khlieh haba u la dep nguid kduk mar shipowa ka kiad na ka klat. U da kyrngah de ka khlieh bad khieh kir ka met, ha kane ka por u sei thylliej ler.

Ka kiad na u bitor ka dang lut mar shiteng, u Bniahstar u la ktaid kulmar ia ka kot song shana la kumba ktaid jingbam ka syiar. "I Nebika pa i Nebika ! Ngan sa peitkai ! I eh kynthei haduh katno !" U da kyndong kti hi jkain. "Ngan da poi shnong ma nga te i la dep artat ! Ngan leh Bruce Lee naphang ! Phi Nebika ne phi Phaineh ! Imat kin pat tip mo ia nga ! "U ieng joit "Hi-iaaa." U kynjat ia ka klat thylli, ka klat ka hab sha madan. "Dit sala ! Hab sa ka klat ! Nga la buaid mo ade !" U da padai la ka khlieh la kum u shanam. U shong biang, u khar ia ka klat na madan, u phylliew shuh ka kiad, u da pynlut plain baroh shi bitor.

Haba la rung lut ka kiad ha ka met, ki thied ki jaw ki la jem wep lwep, u la klet hi ruh ialade. Ha kane ka por, la wanlap u para ba iatrei lang uba sah hangta hajan. "Wa u khynriam ! Balei kumne ?" U kyrsiew ia u Bniahstar "U kem pang mo ade ! Nangno mo ka sma kiad kumta ?" U shim ia ka klat bad u bitor "Wa ! Dei kine du pleng ! Imat la shukor kine ar !" U paralok u da kohnguh la ka khlieh "La shah shet u 'lok. Hai re hai ! ha ka Deleila, la liem hi pding u Samson." U 'lok u sdang ban pyn-khieh biang ia u. "Mynno mynno ngam pat ju bna, ngam pat ju lap ! To ieh, ngan pynrah noh ia u ha jingthiah." Ynda u la dep pynthiah halor jingthiah, u mih noh, u da khang tala artat ia ka jingkhang namar ba u la sngewthuh ba u 'lok un nym tip shuh ban

khang ia ka'ing ka sem.

Mynstep ynda la kyndit, u Bniabstar u tare kulmar ia ka jingthiah. u peit sawdong sawdong ka ing, nangta u khie joit. U sngewtieng ia ka jingking ka khlieh, u da sngew kumban hab najrong jingthiah. "Ka jingsma aiu kata!" U da ring mynsiem jylliew ban sngap thuh ia ka jingsma kynjing kaba wan her sha u. U peit sha madan, u iohi ba ka la satah da ka prie suda. Hangta u shong shiphang, u thiah biang ba u sngewtieng ia ka jingbaiong. Sa shiphang u iohsngew ba don mano re ba khura ia u kynjri. Mar kumta de, ka jingkhang ka plie war,

"Uph, ym sngewnud rung shuh!" Iohsngew ia kata ka sur.
 "Hei Bniab! Me dang im ne me la iap?" Kylli kata ka sur.

"Are! Kumno kumta!" U niad la ki khmat.

"Ban kumta te la sngewatkpoh me! Imat la khyndra jubor ka jyndem!"

"Me lait kumno?" Kylli u Bniab haba u la sngewthuh ia kata ka sur.

"Yn sa ia kren la shibit me! Tangba me dang im ka la biang." Uta u 'lok u mih nok artat.

Ka wan ka jingtipbriew ha u Bniab. Mar kumta de u khie joit, u da bat ia ka dieng palong ba u sngewsyier ioh sa kyllon.

Ynda u la dep bta khmat, u pynkhuid ia ka prie kaba la satah ia ka madan madiah.

Ha kata ka sngi u Bniab u la sngewrynjain ka met ka phad. U sngewking ka khlieh kum ban kyllon. U da sngewkynjing ha ba u kynmaw ia ka prie bad ka jingsma jyndem jong ka.

Ew ngan ia dur! Pleng haduh katto! "U da kyrngah la ka khlieh "Ka kiad ka bym long! Haduh katto em! Nga nang mut ba ngan klet ia kiei kiei, pynban, ka ban khlad ei. Ban hauuh kat kata' ka jingsaja te ngam pot ju lap. Ew ngan ia nai kiad. Ka jingking aiu, sngew kumba la khylllem sa ka pyrtbei!" U iathuh ha la u 'lok.

"Men ong kumta!" Leh lyngngoh uta u paralok.

"Ngam poi pyrkhath te me!"

"Me pyrkhath ba men suk kein me da kaba me dih kiad? Ew ka khlieh sniang!"

"Katto te ngan thngan ngan thngiaw! Ban da thong da ka lak ruh ngan nai! Ngan bat la ki shkor naduh mynta!" U Bniahstar u da kylla ka dur ka dar haduh ba la jylliew sa ka khmat hi jhang.

"Me bakla te me 'lok. Me mut ba men suk da kaba dih kiad! Hynrei, ka leit long shaei! Ka jingleh jong me ka dei tang kajingkutlad!" U 'lok u da peit da ka khmat kaba khia thew. Lada ngi pynkhray than ka jingsngewsih, ngin sa jot thiaw! Ban lait na kum kita, ngi dei dan ieng rangbah ialade ba ngin wad ki lad kumno ban tei la ka jingim! Haduh katne em na ka bynta ka kynthei! Shish me! Lada kumta te la jop pynban ka kynthei!"

"Kaba dei me Mud kata! Kata ka dei eh hi kein! Nga la sngewthuh ia ka jingkordor ka jinglong rangbah! "U Bniahstar u da kohnguh la ka khlieh.

LYNNONG - 10

Ka dieng dyngkhong, watla ka sei lung, pynban kam lah shuh ban kyan borbah ba kan kha kum u juh u dieng ba la shah khrai Haba kumta, ka pynlong ia u Phaineh ba un khieh khrep ki khohsiew. Haba u jngai na ka Nebika, ki jingtynjuh ki tan mar kylliang ia u Ki da ialam ia u sha ki pyrtthei rngai kiba um lah ban pyrkhath U sngewialade kumba u don ha pdeng ki dew jong ka duriaw bah. Teng teng u shah kynting, haba dei pat u jan duh mynsiem haba ka kham tyllap Haba u poi sha ing khun, um kwah shuh ban leit phai sha ka Nebika. ki khun jong u kiba isih ia ka kmie nah ki khroh ia u ba un nym leit shuh sha ka.

Haba u don pat hajan ka Nebika, ki jingpyrkhath khuslai kiba kum kita kim jan satia sha u Um sngewkhehniroh la un dei ban sa sait jainsop sa shisien pat. U da sngew kumba ka jingsngewbha ka don tang hangta

Hapdeng kane ka jingialeh, um lah khlem da pynlut por watla u don ha kamra shongkai. U pynshongdor ia kaba la leit. U ring dur ia ka ban sa wan. "Sa tang san snem nga la suk. Da shisha nga la dei ban suk! Ki khun ki la ia samla lut!" U da pajut la ki tmain haba u shong peit T. V marwei. "Mynta eh bad kine! Nalorkata, kim dei la ki jong! Kane shisha te la kumba thoh team! Wat dano, nga la dei ban pyrkhat bha" Watla ki khmat jong u ki neh ha ka T.V, pynban um tip ia kaci kaba jia hangta. "Tangba, lynda dei ba tur hi la ka kynthei, nga ngeit kan ym long satia kumne! Kumno mo kumto ha kito ka por? Ngam la ban mutdur!" Katba u dang jngi khwiak shi khwiak, ka Nebika ka wan khot ia u ban bamja noh.

U peit ia ka, u wait muin haba ki khmat jong u ki kynrup kloi ia ka jingphuh ka dur khmat, ryngkat u shniuh khlieh ba noh rymphum uba ka pyllait ba un rkhiang ba ka dang dep sum. U ieng nangta, u jwai ieit ia ka ksang kti ba dap doh thmon thmon. Da kumne' ki jingpyrkhat khuslai jong u ki rngat kynsan jar khlem lah mutdur

Ka jingpyrkhat ba pynkingbaji ia u kam ailad satia ba un shong suk. Ka pyndik ia u, ka patom ia u kat sha ba ka mon. Shiphang u sngew kumba ym don shuh ha pyrthei lait tang ka Nebika. Shipor pat u sngewjli ia ka tnga u briew. "Ban da shu neh bad ki khun, aiu kein ngan pyrwa! Wei la jrong la ki kti ki kjat, kumne hi ka juh long! Shish eh! Bad ka tnga u briew em!" U bynniaw ha la marwei

Haba la noh shiliang ka pyrkhat u la kham sngewdaitthah ha ing ka Nebika "Koit kampher" U ong "Wat la nga la pynlut katto, phewse, ngam neh shongduh. To ich, kito kiba nga la pynthied, kum long ki nongkylliang na ka bynta ka jingiehbha jong ka ia nga. Mynta nga la dei ban ieng rangbah! Watdaei te la khloit artat ki tyrpeng!" Na kawei ka miet sha kawei pat, u Phaineh u sdang ban poi kham miet sha ing ka Nebika.

Ka kmie ki khun ka ishan khmet ia kane ka jingleh jong u, ka da sat sia ha la mynsiem, tangba kam sngewdei ban ong eiei ba u shu wan rwing.

Kumne, ba kawei ka janmiet, katba ka kong Syntem ka dang don ha ing shetja, u Phaineh u la leit shongkai lang hangta. "Ai kwai seh kmie shikyntien. La slem bah ngam ju ioh mad shuh u kwai jong phi." U da peit ia ka da ka khmat baphuh samrkhie.

"Dang bang hi seh mo u kwai jong nga? Kein nob ioh sa shit lynnong!" Ka kren khlem da phai khmat sha u, ka tah shun artat ha u tynpew.

"Ew, ym ia dei phi pleng! U kwai u da shngiam thikna. Pynkhylliap seb ban rah lashai sha jingtrei!"

"Khie leit shano shano! Iano me mut ban pynlong nongkhylliap kwai?" Ka da leh khmod khmod, bad peit leh la ki khmat. "Leit phah ha kaba dei hok."

"Um bang shuh te kmie!"

"Wa! U la kloï blad sat hi! To ia wad noh da kawei! Haba heh la u 'saipan, taag shu mut ka la long beit!' Ka ieng artat naba shong

"Shong shwa seh kmie! Haba kwah iashongkai u kpa teng teng."

"Kam dei shuh ho ka por iashat 'waidong!' Ka da ichnoh jyndat ia u hangta.

Ha kata ka miet' u phaineh u mih na ing khun ynda la dep bamja. Ynda u poi ha ing ka Nebika, u am khui ka peit T.V. haduh ban da pah 'niangkynjah ka shnong ka thaw

Ha ka miet kaba ar ruh u leh kumjuh biang. U da leh khamjan sha ka kmie ki khun bad leit phai ynda la kynjah jlam

"Mynta ar miet phi poi bamja shaei ku? Phi thiah ruh ngam shym ichsngew!" Kylli ka Nebika ha ka step kaba bud.

"Phi korbar iaei ma phi! Nga la sngewthuh hi ma nga u shynrang!' U ieng jynthet artat.

Ha ka miet kaba lai, u Phaineh u thiah syndon sha ing khun. U da leh khnong kumne ban aidaw ia ka Nebika. Naduh kane ka miet, haduh shi bnai eiei, u khlem leit ing satia. Ka kong Syntem pat ka la iwit ia u. "Ba u lel u sah shane?" Ka

kylli na la ka khun 'La beh ka Nebika mo ade !'

"Tharai em." Jubab ka khun. "I la dei hi ban pyrkhat. I la dei ban sah noh sha ing la jong lada i sngewthuh."

"Nga te ngam pain !

"Phin da pain ma phi kumno ? Ha kine pat ki miet ba i sah !"

"Ia u briew ba la palat tyngkong em yn ia khot "

"I la dei kein ban kiar shisyndon na kato ka Nebika ! Im dei shuh ban dang leit sha kato ka dakaid."

"Nga te da lei lei ruh em !"

Khnang ba ka ing ka sem kan tylli biang kawei, u Phaineh u kwah ban iasyllok khambha bad ka kmie ki khun ba ma ka ruh kan iamynjur lang ba un wanphai biang. Man ka miet, katba u wan, u ju leit ban pan mab na ka. U da kular ba un nym leh kulmar shuh kumba u la kum bakla. "Kito baroh ki long ki jingbypyrkhat jngai jongnga, Ka long da shisha ka jingtynjuh ia nga u shynrang ! Ha ka jingtlotbor, nga la liat lor ha ka shrip ka Nebika !" U khlei lut ia ki jingshisha katba u dang don ha ing shetja bad ka kmie ki khun. "Nga la bakla shisha ba ngam shym pynshitom ialade ban pyrkhat bha."

"Nga te nga la sngewjaboh ! Long me mut ban wanphai biang sha nga ? Em ! Kein noh ! Kan bha ba men shong junom bad ka ! Pynhun la u nud kumba la thrang !" Ka da kyrbam la ka shyntur.

"Nga sngewthuh ia ka jingdom jongphi. Hynrei, na ka bynta ka jingbha jong nga bad ki khun, nga kloï ban pan mab na phi. Klet noh seh kmie ! Klet noh ia kiei kiei baroh ! To ngin ia maramot pat ia ka jingiadei jong ngi ! Mynta la shi bnai ngam shym leit shuh sha ka "

"Haba kumta, me mut ban shu pynjot kai ia ka Nebika ? Hato kan ioh ja ioh jyntah naci haba me la pynpra ia ka ing jongka !"

"Nga sngewthuh ba nga la long u 'lang koia. Nga la tuh ia ka na u Bniab Hynrei, haba pynshongcia, kam long satja

kumta. Kam dei te ka akor jong nga ! Haba ka la pynap da ka shrip, nangno pat kein yn lah lait ! U shynrang um lah te ban shan, haba la pun jingmut lpa ka kynthai ! Nga nud ban ong ia kata namarba nga la ngat !"

"Lada da 'rabjot makna, pynban, u slap u iai shoh hi. Me la phong ia ka longrynieng ka bym khuid shuh !" Ka Syntem ka pynphai nia ryngkat ka king pylleng "Ym lah ioh sabon shuh te !"

"Ngan hab ban pan mab na U Blei ! Haba nga la bakla, ngan ym riej ban phla ia, ki jingshisha. Lada phi phim lah ban mab U Blei un sa mab ia nga !" U Phaineh u da ieng jyndat, u mih noh na kata ka kamra, da ka mynsiem kaba dap hi smam.

"Lada kam mab ia nga, ngan leit phai-biang sha ka Nebika. Ai kan long katba long ! Kan jia katba jia ! Wei haba la bakla, ngan khalai la ka jingim !, U da iaid pynat shadem, u kiew joit ha ka jip, u pynmareh ha sukor bah, u da pynat samsia ka dur khmat. Katba u dang mutdur ia ka Nebika, ka jip ka iaid suki kynsan ha ka por ba u thep da ka geer kaba ar; kada iaid kynjut jkhek-jkhek kumba suh kdiah. Mar kumta u pyniap noh ia ka, u hiar ban peit la ka la jia aiu. U khyllied ka jingtap khmut, pynban um lap daw eiei, shislem jlang u am khui, pynban u poi ha ka kutlad. Hadien katto katne por, wan mih u paralok jong u uba sah hangta hajan, kumta u niat ia ka sha pbyllaw jong u. "Ngan sa wan ialam da u nongshna." U ong ha u paralok. Haba ka kali ka thut noh kumta, um banse ban shu kodem noh da ki ar shaka la jong. Ha ka jingiaid lynti bym da mlien shuh, u sngewba u la thait hi jai. "Ki jingeh suda kat sha baphai ! Pleng ka spah kam dondor eiei ! Wei haba lap ka lanot, wat u ramhah ruh u liem hi pding u pleng !" U mutdur ha la marwei. Tang shu poi ha ing, u tied jingkhang pynstet ba u la kwah ban pynshongthait la ka met.

"Ia nang leit. Ngin sa iakynduh lashai" Jubab ka sur u shynrang na kamra thiah ka Nebika. Mar kumta, u kyndit bynriew thret, u kynraw ia kato ka miet ba wanlap u Bniahstar.

U sngewkhih ka met ka phad da ka jingdom. "Uei mo uta uba wan synran !" U da ieng pynat shadem ha la ka kyrbam shyntur. Ka shnong ka thaw ka la dum ionngit kumba long lem hangta ha jaka ba u ieng namarba ka por ka la dap sbiphew shiteng.

"Kumoo kein katta um pat leit ! Kane ka kam ka bym lah long ! Nga dei ban da shai ! Lym kumta, ka long kaba eh ! Ban shu tharai sniew ruh ym dei. Ban shu biej sniang patde ruh ka bym lah long !" Nangta na ba ieng, u kam suki jai, u hiar ia ki mawkyndon, u iaid sha shakiar ing. Katba u dang sngap siar kumta, u iohsngew ia ka sur ha ka T V., u da sngewshngain ba kim shym iakren sniew shaphang jong u. Hangta ha shakiar ing, u shong jahthait halor ki byrni jot. Katba u dang ap siar kumne, u da pyrkhath kulmar laiphew jait; ha ka juh ka por, ki shkor u pynshah kyndiang ban iohsngew ba mih uta u briew. Ka por ka la dap khatwei baje, pynban uta u briew um pat mih satia. U iohsngew ki dang iakren bnorn shi bnorn. Haba u la sngewsakhrat ka ap, u iaid biang shakhmat ing, u da sngewshrai haduh wow ia ka jingiajuh shongkai miet jong ki U la mut ban kysiew biang, hynrei, ka mon kam shah satia "Lymda nga ap siar kumne, ngan nym lah ban pynshkem ia ka jingmutdur jong nga. Lashai te nga la dei ban ong ! Ban kumne te yni long ! Ka shongkai aiu katta miet !" U da kham pynshkem la ka kti ba u la sngewshrai palat. Katba u dang shaniah ha kyndong ing, u kynmaw ia ki por mynba u dang sdang juh ha ing jong ka. U kynmaw ia ka miet ba wanlap u Buishstar. Ha kane ka por ka ing baroh kawei ka dum kysan tiw. Hangta marwei u lyngngoh dheng ba u tip shai ba uta u briew u dang don hapoh. U ieng shohbiej tyngjlung hangta ha kyndong la kum u khyllung ba la shah knieh jynthet ka bol. Sa shipor u kiew jingdom kysan kumba un lied jubor ia ka jingkheng. Ha kane ka por u iohsngew ia ka sur jong uta u briew kaba ong "Wei u briew ba la don khun, un da wan makna shaphi, u wan da kawei ka sur." Kine ki kyntien ki la sangah kysan phlak la ka dohnud jong u, u sngewjem kysan lwep ki kti ki kjat kumba shoh tyndep. U da sngewshjer de ka met ka phad, haduh ba um sngewhang shuh kumno un leh. "Taogba phim

pat dei ban pynbna ba phi la iashong bad nga.” Ka mih biang ka sur na uta u briew. Mar kumta, u Phaineh u kynthih kynsan kum u ‘si kyrtyong ba la sma ‘lein khla, u da mareh kulmar sha surok.

“Ka bym lang! Pleng ka bym long! Ani ngan ia dur! Ban kumto em!” U ieng shiphang ha surok bah, ba un pynshongdor ia kaei kaba u iohsngew. “Ngam poi pyrkhath eiei! Ba ngan da tip lpa kumne! Phuit eh! Sngewjemdaw sat hi!” Katba u dang pyrkhath ruma, ki kjat ki lam nob ia u sha lynti kaba u wan myhynne. “Pleng, ia nga ruh ka leh kum ia u Bniyah! Shish ka kam bieji! Balei nga leit pynpra kai ia u khiewja kiwei? Shish Shish Ka la ia mih nang sat hi kum kato ka briew! Kato te ka dei shisha ka khwan myntoi! Kam don jingieit ialade! Kam salia ia ka doh!” U da bynniaw ha la lynti. Poi ha shiteng lynti, u da shong lyngngeit hapdeng surok ba u la sngewthait palat. Ka shadem jongu ka kyndeh h-duh wow. “Shirukom, nga donbok ba nga lap nob kumto. Watdaei te la shu shah kam ei kum u Bniyah” Shipor hadien ba u la sngewjahthiat, u sdang biang la ka jingiaid lynti, u da iaaid sheng sheng la kum uba buaid kiad Katba u dang iaaid kumne, u sngewphieng kynsan ka khlich Da kumta de, u kynmaw ban peit la ka baje, u shem ba ka la dap khater baje. Mar kumta, u pynsting jieng la ki kjat, u da mareh wiaw kum u skei bakbie kynsan na u ‘lang sah.

Nam rba la mareh stet palat u bym ju mlien, ka met ka la padai kat sha ba lap, katba ki kjat ki rynsied khlem tip sur shuh; da kumta de jrain u hab sha liew khap “Wow rap!” U lynniar kulmar da ka jingtieng U mut ban ieng, pynban u shem ba ka kjat kamon kam ai kyrshan satia. Hangta ba liew khap u shri u kbain, u khiih u ksar ba un lah ban kiew sha surok, u da babe la ka jingmareh tieng kaba lam pynban sha ka jingmynsaw khlem dei por. “Dei na ka daw kato ka Nebika! Ka dakaaid kynsha!”

Khnang ban dup lait sha surok, u iai ksaid jubor katba lah ban kyrshan la ki kti, ka kjat kadiang bad ka jingshong

haduh ba u la poi da ka said sha surok. Ka syep ka syar ka da pynjhieh kluk ia ka met ka phad haduh ba u la tyrkhong sa ki rymmiang shyntur. "Kane ka ban iap ei! Kumno kumto mo! Haba la shet ka kynsha, da kumne em ia nga!" U bynniaw ha la marwei.

Ka kjat ka la kynjut, ka khlieh ka la sngewphieng bala wan biang ka jingtieng hangta ha lynti khlaw kaba dum ngiw ngiw. "Uei mo u ban wan lap ia nga hangne? Mano ban iarp lem ia nga!" U mutdur kulmar marwei. "A Blei Trai Kynrad. Haba la poi ha kane ka khim khaid, nea pan mab na me. To mab ki lait ki let bad ki ryngkang ki palat ki jong nga! To iarp Blei ba ngan lait na ki jingma bad ki 'riew sniew 'riew smeh. Iada ia nga! Ri ia nga a Blei ba ngan iashem pat bad la ki khun ki kti, ba ngan iashem pat bad ka kmie ki khun. Sngap a Trai ia ka jingkyrpad jong nga. "U dem noh hangta ha rud surok bad iohthiah shikhmat ar khmat.

Katba u Phaineh, u dang bynniaw kajong ka apot, ka Nebika pat kynjai ha la ka jong ka pyrthei jingsngewbha. Kam buh jingmut eiei rub ia u namarba um shym wan sha ka la shihnai ciei. Ka Nebika, ba ka la artatien ia ki jingjah miet u Phaineh, ka la lehjan ia u Darius. U Darius u dei u samla riwspah uba trei ki kam la jong. Ha ka jingim kum u samla, u la long uwei na ki 'kainiong ka shang khawiah. Ha ka jinglong kangngar jong u, u la leit jan sha ka Nebika haba u la iohi ba ka lehjan ia u. Kum u briew ba ju shim kabu, um ju buh jingmut ia ka dei ka lait; um ju don jingsngew la ka jong ka longrynieng. Kaba u don ha khmat eh ka long, ba un im angewbha sadhai halor ka spah ka hajar; ka bam ka dih bad ban put turoi kylleng kum u 'kainiong.

Naduh ba la iajan bad u Darius, ka Nebika kam ju pyrkat khuslai shuh shaphang u Phaineh namarba mynta ka don bad ka u smala heh saipan. Ka don ka jingsngewthuh ba u Phaineh un sa iehnoh shen ia ka namarba ka shem ba ki jain ki nep jong u ki la stait iar na ing jong ka, kumta, ka da shlan wat ban bat thiah shngain fia u Darius.

Ka miet ba leit lap u Phaineh kam dei shuh tang kaba nyngkong. Ka long ruh ka jingmlie ia u Darius ba un phah wan khot ha u paralok ba ia mih kai lang, pynban u paralok u ju l it phai thylli man ka teng ba u wan khot ia u. Dei na kata ka daw, ba, haba la wan tied ing u Phaineh. U Darius u ai da jubab ba u ju pynphai sha u paralok haba u wan khot ia u, ba u mut beit ba uta uba tied ing u dei u paralok jong u.

Haba ka step ka la wan, arngut ki rangbah kiba mut ban leit lyngkha ki la leit lap ia u hangta. Da ka jingkyndit, kim lah ban mutdur ia ka jingdon jong u hangta. Hadien ba u Phaineh u la iathuh bin pa bin, kita ki rangbah kl la iarap bah ia u sha ing khun.

Haba la poi ha ing khun, la mih ka jingiahylla bad ka jingia-bunktien hapteng ka Kong Syntem bad u Phaineh. U Phaineh watla u la sngewtlot ka met, pynban u pyrshang ban jop nia ba un ioh ban buhrieh la ka rain ka rem. Pynban ka kong Syntem kam shah satia ban pynrung ha ing.

"Em ! Em ! Ym long ! "Ka kong Syntem ka ieng pynah ha phalor "Khie kit sha ing ka Nebika ! Khie ia kit shata sha ba don ka nongsumar ! Balei yn shu wan pynkyrphoh ia ka jaboh jabain hangne !"

"Kong, ngim tip eiei ia kata ! Ym dei ba leh bastad hi ma ngi ! Dei u nongpang kein !" Jubab ki arngut.

Ki khun kiba ieit ia la u kpa kim kren eiei namar ki sngewthuh ba ki nia ka kmie ki long ki ba dei eh. Ma ki ruh ki dom ia u ha ba ki la iohi ia kine ki jingleh kulmar jong u kpa kaba long ka jingthadrong ia ka ing ka sem. Ma ki ki la ong, ki la khang ba un nym leit shuh, pynban ma u um ngeit satia. Dei kata kaba pynyingkhong ia ki. Da kawei ka jingmut ki da rai kut jingmut ba un dup kylla kaba mut.

"Ngam dei u khlem ing ! Nga don ki kur ! Ia leit buh sha ing kur !" U Phaineh u pynpaw la ka snap rangbah haba la poi ha ka kut lad.

LYNNONG—12

Haba la sngewthikna ba u Phaineh um wanphai shah, ka

Nebika ka la khot sah ryngkat shong ryngkat ia u Darius. U Darius de khlem da salia ne sngewlehrain la ka jinglong samla, u leit sah ryngkat syndon bad ka Nebika.

Ka Nebika ka la shah peit khmat ha ki paramarjan marpa bad ki parashnong para thaw. Ki kam ba ka leh, ka la pynkhy-niuh niak ia ka shnong ka thaw. Baroh ki kynnoh ia ka ba ka dei ka khwan lalot. Pynban ma ka, kam sngewpther eiei ba ka sngewbiang bad sngewbha la ka mynsiem. Watla ar ngut ki kyrtong ki la krad, pynban kam i don jingpyrwa ba ka don da uwei pat u samla uba riewspah. "Wei ba don la ka dur bakyntiak, bad ka ktien ka thylliej ba shaid shaid ! Wat u samla ruh u iapmat du ia ka 'men lung khun ! Katne ki samla, pynban dang thnem ma nga !" Ka Nebika ka sngewkynthrong kum ka tabut khlem 'saikun.

U Darius, kum u samla ba la pawnam, um da don ka jingmut baskhem haba u iashong bad ka Nebika. "Kum u samla briew, ngam dei ban pynlehnhei ia ka por. "Shipor arpor u iashong ryngkat bad ka, um da sngewjuh satia ba u thrang ban leit sieh lama kylleng ki muluk ki jaka. Hadien katto katne bnai, u phet noh bak na ka khlem da ai daw eiei.

Ka Nebika, kaba la shah kyntait lpa ha ka shnong ka thaw, ka la im jakhom khait ha ka imlang sahleng, kat sha ba ka leit, baroh ki peit 'matdong ia ka, baroh ki kynshi ia ka. Ym don shuh ki ban iajuh iajan bad ka, ym don ki ban sngewsynei ia ka. Ki shynrang briew ki da tieng kohtympan ia ka ! ki kiar lai maw lai dieng ioh kumno re kum leit ngat ha ka shrip. Ki kynthei de kim shlan ban ia pyndei ktien bad ka ioh sa bit rong lang. Kane ka jingshah kyntait ha u shnong u thaw ka la dung ngak ia ka longrynieng jong ka haduh ba ka la sngewrem hi siun.

Khnanng ban lait na kine ki jingeh, ka la wad lad da kumno ba kan ioh ban phet noh ne kane ka shnong. Ka la buh jingmut ba kan leit phai noh sha la ing, pynban kam sngewshlan ban leh kumta ba ka la palat hi la ka akor. Ka mut ban leit wad ia u Bniahstar, pynban, da kumta ruh ym sngewnud satia ! ka da tieng ioh lehse un shoh un kynjat pynban na ka jingleh jem daw jong ka ia u. Kumta, ha kat kata ka kutlad, ka la raikut ba kan kiew

noh sha Shillong. "Ha Shillong te nga iohi ba don kyrhai ka jingsuk ! Dei hangta ba ngan ioh ia ka jingim ka ban lait na ka shah kynshi ! ka shah kynnoh ! Hangtei ka kdup lut naphang lin ! Nga dei ban kiew shatei sha Shillong ba ngan ioh jaka rieh tngen ! Ba ngan ioh ban kamai kyndoi jakpoh ! Hangtei ka lad kamai ka bun !"

Haba ka la sngewskhem la ka jingmut, ka la kiew de soit sha Shillong. Ha Shillong, ynda ka la poi, ka la leit wad ia ka paralok rim. Kada sngewskhem ba kata ka paralok ka lab ban leh eiei na ka bynta jong ka. Kane ka paralok ka im kyndoi jakpoh da kaba die kwai dong ha sor Shillong.

Haba la iakynduh ia la ka paralok, ka Nebika ka la iathuh naphang lin ia ka jingmut ban wan sha Shillong. Ka da iathuh ia ka jingshah lehbein.

"Phan ong kumta !" Ka paralok ka da pynneh la ki khmat ha ka Nebika. "Kata, ka mut u la ioh da kawei mo ei ?"

"Ngam tip kein ei ! Tangba um ju wan shuh."

"U la phet la slem ?" Ka paralok ka da ai kwai artat ia uwei u briew.

"La maian ei !" Ka Nebika ka peit iet ia la ka paralok kaba la ibha met dhur dhur ban ia kaba mynshwa.

"Tu ia peit noh da uwei kein ei ! Haba dang don la ka por !"

"Ki shanrang mynta te la ingiah shoin ! Ki pyrkhat tang ialade shimet !"

"Uwei, ar te u ia long kumta, kein ei !"

"Nga seh kaba la ngat ! Lehse phim pat mad kum ma nga !" Ka Nebika ka da kyrbam la ka shyntur, "Uwei ruh kumjuh, u ar ruh kumjuh ! u lai lei te yn nai ia kren shuh !"

"Kane te ka kren kumba ka tip eh !"

"Shisha kein ei ! Kane kam ngcit. La lai ngut te ei ki la ia krad."

"Shisha kein ! Kumta seh !" Ka paralok ka da peit lyngngoh dheng ia ka Nebika.

"Yn ia thok ban lei hi !"

"Haba kumta, pha iashong bad no mynta ?"

"Mynta te marwei ! Sngewsuk kane ka shong marwei !"

Ka jingiakren shiparalok ka iaid suki jai haba ym shym iakyn-duh shuh la slem. Ka paralok kaba la sngewsynei ia ka jingshah lehbein ka Nebika, ka la pynshlur ban seng noh da ka dukan die kwai dong ban dup im ja ki khun.

Ka Nebika, ka la sngewiahab jingmut bad ka paralok, kumta, ka la pynneh la ka jingmut ba kan ieng da ka die kwai dong harud lewduh. Kumta, da ka pisa ba ka don, ka la seng ia ka dukan die kwai dong.

Ha Shillong, shipor ka la leit sah lang bad ka paralok hajan umshyrpi. Ka paralok jong ka ka don uwei u khun shynrang, kumta, ka dang long hi ban iasah khapniah malu mala katba ka dang ia wad ing shane shatai.

Ka Nebika ka la ioh mynsiem da kaba sah ha Shillong, ka da kyrmen ba kan sa lait na ki jingeh kiba ka don. Ha kane ka jingdie kwai dong had dei sikret, ka shem ba ka kham im ban ia kaba leit bylla kylleng.

Haba la leit sah sha Shillong, ka Nebika ka la dei ban pynpep skul noh ia la ki khun namarba kam long shuh ban pynkynriah skul ha ka shiteng snem. Kumta, u la lehnohei shisnem ha ka jingpule.

LYNNONG—16

Katba nang mih ki sngi ki bnai bad ki snem, ka ing ka Nebika ka nangphuh bad nang ipahuh shew shew. Ki paralok ba ia shong dukan kum ma ka, kim lah mutdur ia ka jingkiew stet jong ka ha ka ioh ka kot. Ma ka kaba dang shong dukan dang shibit por, pynban ka lah da istem hi kmer. Ka da rjam bha riam miat bad leh kyntiak bha. Haba la iohi ia kane, ki 'lok kim lah satia ban khlem da peit siar ia ka iaid ka ieng bad ka die ka thied jong ka, pynban, ki lap ia ka jingshisha ba ka im ym tang da kaba die kwai dong. Ki ithuh shai ba ka jingiabo i ki khar khali,

ki khar dairy bad kiwei pat ki khyllah jait ha dukan jong ka, ka dei kawei na ki lad ki kabu na ka bynta ka Nebika. Dei da kane ka kabu kaba la kyntiew jubor ia ka ba kan kiew stet ha ka spah ka hajar.

"Ai ba ki 'lok ki jor kin kren katba ki mon. Ai kin peit jrong khmat katba ki kot. Ma nga kaba myntoi, nga dei ban sngewthuh la ka met. Baroh ki bynriew ba im ha ka pytthei, ki khih ki ksar ban roi ka spah ka hajar, ki da wad ki lad ki lynti kumno ban ioh bam bad kamai spah ! Nga kein kaba donbok ban im da ka kamai khlem baiseng ! Ai; kiba kynnoh kin kynnoh, namar ma ki ki bynnud la ka met !" Ka Nebika ka iai puson ha la marwei haba ka iohshgew ia ka jingkren pharshi, ka jingkren siat bad ka jingiapyini lem kawei ka riwtymmen kaba la ktah syndon plak ia ka jinglong lyngkar jong ka. Ki briew ki bym pat ngat ialade, kim sngewthuh satia. Kum ma nga ka 'riew kynthei ba kit khunrei, hato daei ngan bsa ngan btiap ia ki ! Lynda dei kumta, hato u myrsiang un shu ong seh mo ia u soh grape uba jew !" Ka pyinksan ha la marwei.

Na kawei ka sngi sha kawei pat, ka Nebika ka nangphuh nang phieng bad nang khring shuh shuh ia ki 'rang tyrwa haduh ba la thnem ka die ka thied.

Shen hadien, ka Nebika ka la iakyuduh bad uwei u Nepali ba niah kali uba ju tip da u Lale. Une u Lale u long uba met jrong bad tylli doh, u don de ka snieh doh Khasi. Watla u long tang u nongniah kali, pynban u ikop khun riwspah. Une u briew u dei uba dang wan niah kali shen sha Shillong, dei na kata ka daw ba u la jied ban shongkurim ia ka Nebika kaba la shah khein 'dew thala ha kiba ia ithuh ithaw bad ia juh iajan bad ka.

U Lale, kumba u la kit jingmut rangbah, kumta de, u la shimti ia ka da ka jingmut basngur. U da sngewkmen haduh katta katta haba u la ioh ka lad ka kabu ban shongkha ia ka Khasi. U da sngewthuh shai ba kane ka long ym tang ka jingpyndap pynbiang ia ka jingdawa ka jinglongdoh, pynban, ka long de shiban ka kabu ksar na ka bynta ka jinglong trai shnong jong u. "Kan eh aiu ba ngan bsa ia kine ki khun jong ka ! Ma ka ruh

ka don la ka kamai ! Nga dei ban sngewpyrto la ka bok la jong !
 Ew, ka bok jong nga to kaba heh palat ! Katto nga la skhem !
 Ym don lah shuh ban beh ia ng !” U pynshongdor ha la marwei.
 “Ka Nga da donbok shisha ba nga ioh da ka briew kaba bha-
 briew bad kaba jai jai ! Kaba nga lyngngoh ka long ba kumno
 kum kato ruh ka shah ioh khunrei ! Kine ki khasl imat kiba
 ialehbein lok ! Katto kan sa suk jai ! Ngam dei ban lehbein ia
 kada lei lei ruh !”

U Lale, u leh bha haduh katta katta ia ka Nebika, u kitkhia
 ia ka ing ka sem bad ia ki khun tlan.g U pynthied ka jain ka nep
 na ka bynta jong ki, u pynsngewbha ia ki kum la ki khun trai.

Ki khun ka Nebika ki kham sngewpther ka jinglong bad ia
 kaba ki la long baroh shikatta. Ki da sngewshngain shisha ban
 don bad u Lale uba ki ju khot icit, i pa. Ki kham iphngain ka
 dur khmat kumba ki da don ryngkat bad la u kpa trai. Ki da
 sngewjan shuh shuh haba u ju ialam kai teng teng sha cinema,
 sha Nanpolok bad sha Lady hyderi park.

Ka Nebika ka sngewshngain haba ka iohi ia kane ka jing-
 iaieit ki khun bad la u kpa nah. Ka shim halade ba kane ka dei
 ka bok kaba khraw. “Donbok pynban ba nga iakynduh bad u !”
 Ka iai puson.

Ka jingiaieit kine sawngut ka nangrhem katba nang mih ki
 sngi. U Lale u da sngewjuh bha bad ka Nebika watla ka dei
 ka khyllah jait kaba la don khun. “Pleng! ka jingsuk kam mut
 tang haba iapoi kha bad ka ‘thei sotti ! Watla nga long kpa ia
 ki khun uwei pat uba ngam ithuh, pynban nga suk kumjuh !
 Nga kmen ka mynsiem ba nga shngain ryngkat bad ki.”
 Sngewskhem u Lale.

Ka Nebika, watla ka la iapyrshang ban tei skhem ia ka ing
 bad u Lale, pynban, kum ka briew kaba la mlien bad kaba la
 brai ha ki kam awria, kam man sngewhun satia ka mynsiem
 khlem da ia biria sadhai bad ki rang ba bun rong. “Are ! Ngam
 ju poi hotel shuh la bun bnai !” Ka da sngewkynjah kynsan
 haba ka kum pynleit jingmut. “Ka pia ka kham sting du pleng !
 Ka riam ka beit ruh ngam da pahuh shuh kumba long ha kito

ki por."

Ka por ka là poi ha kaba ka Nebika ka pynlong ia u Lale kum u khynnah ri khun bad u nongshet ja jong ka. Ynda u la wan set kali janmiet, namarba u ju mlien ban kein kamaï taxt dang shai, ka Nebika ka khroh ia u ba un nang iarap ha ka shet ka tiew ba kan nang dei ma ka la ki jingdie ban kham myntoi ka ing ka sem U Lale uba shisur ka jingmut, u pyndep ia la ki kam khlem da thnum ne khlem don jingartatien ei ei. Hynrei, ka Nebika pat ka pynlut la ka por bad ki 'rang tyrwa kiba don pisa. Ka khang dukan tang iongrein bad ka poi ing ynda la dap hynniew ae phra baje. Na dukan ka mih, kam poi beit sha ing, pynban sha ki ing basa bad ki 'riew don pisa.

Ki 'lok ki jor kiba ia ithuh bha bad u Lale, haba ki la isaid met ia ka jingleh palat jong ka, ki la pasiaw ha u Lale shaphang ka iaïd ka ieng jong ka Nebika. U Lale um pynshah shkor eiei ia kum kita ki khana lorni' u shim beit ba ki rhah bad ki bishni ia u ba u shongkha ia ka Khasi. "Ki briew mynta te tang ka pynshoi pynshad Ki la donpor sat bi ban lorni ia ka iaïd ka ieng kiwei! Balei kim peit ia la ka khongdong la jong!" U pyrkhat marwei.

Pynban ki 'lok ki iai ban ia u, ki da ai jingmut ia u ba un ap thap ha kawei ka miet khnang ba un lap ia ka jingshisha. Suki suki, kane ka khubor kynsha ka la sdang phrung ha u Lale. Kumta ha (kawei ka miet, u la leit ieng kai hajan kata ka ing basa ba ju leit bam ba leit dih ka Nebika. Katba u dang ieng kham ha pajih ban nym iohi ma ka, u la iohi ia ka ba ka ia iaïd bad uwei u mahajon dieng, kitei ar ngut ki da ia rung ha kata ka ing basa. Mar ia iohi kumta, u la sngewsuhjer ka met rem. Ka jingsngewrem ka rung kynsan ha u haduh ba u da kyih bad long kumba shohbiej. Tyngjlung, u ieng hangta haduh ba ka jingmut jingpyrkhat kam lah ban treikam ha kane ka por. Ynda sa shikhylliapmat, u kiew kynsan ka jingdom lain u thmu ban leit pynkulmar hangta ha ing basa, pynban, uta u paralok ba ia ieng lang hangta um shah satia ba un leh kumta ioh poi pynban sha kaba lyngngoh.

"Phi la iohi la ki khmat ! Katto ka la biang ! Phi la dei ban sngewthub kumno phin leh ! Ym don sakhi ka ban kham shai ban ia kato !" Uta u paralok ba kham lyngkot ia u u da tawah la ka kti ha tyrpeng jong u. "Ka Nebika ka la im ia kato ka jingim naduh ki por ba kam pat iashong bad phi ! Na kata ka daw ! Nga kwah ba phin lait na ka. Kam myntoi eiei ruh ba phin leit hangtai ! Ka briew ba kum ma ka, kan nym sngewlehrein eiei ! Ioh phi khlem rain pynban ma phi ! Khie leit sha la ing. Phi leh kumba phim tip eiei, l ashei shu krad, beit noh.

U Lale, da ka jingkhong khong, u la leit beit noh sha la ing kumba ai jingmut u paralok, "Pleng ! Dei na kito ki jinglong ba ka sa shah iehnoh khunrei ! Nga pat nga nang kren bein ia ki paralok Khasi ba ki ia iehnoh khunrei ia ka !"

Ynda poi ha ing, u lum u lang ki jain ki nep, u thep ia ki na kawei ka synduk tin.

Hadien shipor ka wan rung ka Nebika, ka leh icit leh thoin ia u, katba ma u pat u peit samsia ba la sat palat ka mynsiem. Ka jingialeh hapoh la ka mynsiem ka jur bba tangba un pynpaw satia shabar.

"Phim sngewshait ne kumne !" Ka Nebika ka kylli jem jai haba ka la ipher ia ka jinglong jong u.

"Nga ioh khubor na sha shnong ba i pang eh i mei ! Nga dei ban leit lashai "

"Phin ong kumta ! Wa i kiaw i bapli ! Phin leh kumno kata !" Ka Nebika ka da ikhia ka dur khmat.

"Ha ka jingshisha, nga la dei ban leit !"

"Phi dei ban leit kein ! Wa ! Kat kata eh ka khubor te phi !"

"Ngan leh kumno kein ? Ka bai kali ruh ka ba rem ! Sa ban iarap bai dawai ia i mei ! U kyrngah la ka khlieh." "Ka pisa ba nga don ruh nga la pynlut mynsiem taiew ha kaba phab suh sut ia kine ki khun."

"Jin katno kata ka bai jain ?"

"Mar shisut te phi ! Ka advance ruh nga' la ai la jan hapowa.

"Katno phi la ai'?"

"Shi hajar tyngka."

"To ieh nga mat nang ai na nga. "Ka ieng artat nangta, ka leit sei pisa.

Ha ka step kaba bud, ynda u la wan buh skul ia ki khun ! u bam u dih bad ia mih ryngkat bad ka Nebika. Ynda la poi ha dukan, u ong ba u la kum klet, ia ka kot donkam ha ing, u pan ia u shabi ban leit shim ia kita ki kot. Tang shu ioh ia u shabi, u iaid pynstet de wia sha ing.

Ha ing ynda u poi, u plie ia ka synduk pisa ka Nebika, u shim lut khoit ka pisa ba don haneta, u sa khang biang ia ka. Nangta u shim ia ka synduk jain la jong, u mih noh de soit.

Ynda la poi ha iewduh, u leit buh shwa ia ka synduk ha kawei ka dukan katba u dang leit ai ia u shabi ha ka Nebika. Tang shu dep ai ia u shabi, u leit noh bak sha ka jaka ieng kali Guwahati.

Ha bus, marwei u pyrkhat u pynshongdor ia kaei kaba la jia. "Ngam poi pyrkhat ba kan dei da ka dakaid ! Pleng ! Dei na kato ka daw ba ka sa poi miet sha ing ! Tangba, katto nga la hun ! Nga la ioh thok ha ban da biang. Ngan wad kam noh sha Guwahati." U da wiat ymmuin da ka jingkmien. "Ka sut aiu kata ! Katto ka la jah kwah artat ! Ka pisa nga la ioh khur ei ma nga ! Kok khai ! Khun ka dakaid ! "U da kynphuit na ka jing-khangit katba dang mareh stet ka kali. "Yn long pòp lèi kum ia kato ka dakaid ! Ma ka lei ka la iaid burieh nator jongna !"

LYNNONG—17

Ka Nebika, kaba la im sadhai bad ki rang ka sòr Shilong, ka la kem pang kynsan thrait, haduh ba ka da thiah syndon khlop. La ka la phah sumar ha ki doctor ba stad, pynban ym man par pain satia. Daroh ki jingpyrshang ki long lehnong.

Haba la ban ka pang ka shiton, ka pisa ka rma kumba kynther ia ka sla. Ha kane ka por, wat tang u ksew u miau ruh um man ia jan shuh. Ha ka jingshem lagot jong ka, ka la dei ban

pynpep skul noh ia la ki khun. Ha kum kane ka por, ka da kynmaw halor ki ummat kthang ia ka shnong ba la pun la kha bad la heh la san. Ka da kynmaw kyndiang ia u Bniahstar u ba la ai ha ka ia ki arngut ki khun shynrang.

Khnanng ban ioh ja, ka Nebika kam banse shuh ban phah ia u Jyrwat, u khun nyngkong ba la shiphew snem, ba un leit tyrwa kwai, tyrwa sikret.

U Jyrwat, kum u khynnah ba la im bad la heh la san ha pdeng sor, u la shalak bha ban rung ia ki lad ka Iewduh, bad ki rud ki khap jong ka. Kam long ruh kaba eh ia u ba un shang die kwai namarba u ju leit shongkai bad ka kmie ha dukan.

Ha kawei ka sngi, u Jyrwat u la iakynduh ia u Bniahstar kat. ba u dang rung tyrwa kwai ha restaurant. U Bniahstar uba don ka mynsiem isynei, u la thied saw tyngka u kwai bad u wills shi synduk. U da kylli ia ka daw ka ba pynlong ia u khynnah ban shang tyrwa kwai kumtei.

"Mama, "U ta u khynnah u da khih ki khmat khleng khleng, mar kumta, ki ummat ki hab kynsan na ki pukri ba phyrnai. "I mei i pang! I shu thiah ha jingthiah. Nga shang tyrwa kwai kumne ban dup ioh khaw.

"Men ong kumta "U Bniahstar u da bat sbak na tyrpeng. "Haba kumta, me ia don kat'no ngut shipara?"

"Ngi don tang arngut. Ma nga bad i Hep. I Hep i ap ia i mei ha ing,

Katba u dang iathuh kumne, u Bniahstar u sngew kum ban jaw ummat.

"I mei jong me i la pang slem?"

"La maian phi mama." U khynnah u phai sha la ka shang kwai. "Mama, khublei shibun, ngan leit tyrwa pynlut noh shwa kine ki kwai; ba ngan ioh thied khaw.

"Shong shuwa hangto me ong. Wat ju khuslai eiei. Ngan sa ai ma nga u bai khaw. Shong hangto, dih shuwa da ka sha ba me la thngan."

U khynnah um lah ban rai. U tieng shiban, u sngew kwah

sha de shiban. "Kein noh shwa phi mama, ngam pat thngan."

"Me tieng ne ? Ngam dei u nongshohnoh ! Nga dei u briew ba bha, wat tieng ia nga ! Nga isynei ia me ba me hab ban kit kat ia kane ka jynjar dang kat me kumne ! Shong hangto, bam da u momo !"

"Khublei shibun mama." U khynnah u rung shapoh kamra rit, u shong ha ka shuki.

"Haba kumta, shaei u kpa jongme ?"

"I pa i la phet."

"Ew ki kpa mynta ! Kim don jingieit khun tang khyndiat ruh. "U da peit myllung ia u khynnah katba u dang bam ia u momo. "U la phet slem ?"

"Hooid mama ."

"Me la shang die kwai la slem ?"

"Em phi mama, dang mynta u bnai. Baroh shikatta nga leit skul."

"Mem ia don ba ha ing kein ?"

"Em, ngim don, Ngi don tang i mei. Kiba ia wan sah kai te ki ia bun, tangba mynta naduh ba pang i mei ym ju don ba wan mih shuh."

"Kita ki dei ki kni jong me ?"

"Tip kein, ngam tip ! Shi miet wan uwei, shi miet da uwei ! I mei i ong ba i buh skul ia ngi da ka ai pisa ba ai kita ki mama."

"Ngam lah sngewthuh shuh, kumno pat kein kim ia wan mih haba i mei jong me i pang ? Balei mem leit iathuh sha ki ioh kim tip ?"

"Ngam tip te mama shano ki sah !"

Katba u khynnah u dang bam pynlut ia u momo, u Bniahstar u peit isynei haduh ba la dap smam ka mynsiem, kumta, um sngewkwah shuh ban dang iai thlia ia u.

"Khublei shibun mama." U khynnah u niad da la ka shym-priah kti ia ka shyntur.

"To-khie leit-die noh la kirjingdie ban-dap-iah thied khaw.
 "U Bniahstar u da thab met ia u khynnah katba u khynnah u
 nang jam shaphrang. "Isynei sat ! Kita kiba ha ing shaei mo ki ia
 don ?" U bynniaw ha la marwei, u ieng noh ar'at nangta.

Mynmiet, haba ka jingmut jingpyrkhat ka la ring dur'biang ia
 uta khynnah hajan-jong u, u Bniahstar u la sngewlynga, sngew-
 pisa. "Ki khun khlem kpa, kumto em !" U kyrthiaw ia ki tmain.
 "Ngam tip shuh, kumno ki khun jong nga ki long ! Tip shaei ki
 don ? Kumno ka bam ka dih, ka jain ka nep !" Marwei ha
 jingthiah u ksaid lynga, um sngewsuk satia ka mynsiem. "Tip uto
 u khynnah bapli, u lah pyndap khaw kumno ia ka kmie bad la ka
 para ! Sngowsangsot ia u khynnah ! Dang kat uto em jatrat u la
 dei ban tur ia ka ding baklang ! Kum ia kito, lada iohlad, dei ban
 iarap ! Dei kum ia kito ba U Blei Un sngewhun jrut lada ngi klo
 ban iarap !" U iai pyrkhat khuslai. "Ha ka syrgiew u khun la
 jong, ngan iarap ia uto u khynnah lada jia ba nga iakynduh
 biang ! Nga ngait ngan sa iakynduh biang ia u ! Lada u don ha
 lewduh, ngan dang iakynduh biang. Ngan lehba ia u kum ka
 nongkynti ki khun la jong !" Ki ummat ki tuid suki ha ki reng
 ngab. "Ngam tip balei ! Balei sat kumne ! A ka pyrthei ! Ka
 pyrthei aju kum kane ! Dei hangne kein, la nga ieng kynduh,
 lada nga shong ruh jhieh." Halor ki ummat bad ki jingpyrkhat
 bym pei mawsiang, ka ragai ka tan noh jlang ia u sha ki ri ka
 jingphohsnew,

LYNNONG—18

Ha Shillong, u tang shu poi, u da buh ha jabieng ia u khyn-
 nah die kwai tong. Tang shu dap kam d p jam, u leit sha
 motphran ban iashem ia u khynnah ba sangsot.

Shipor arpor haba u ta ap ha Motphran, u rung noh sha
 lewduh ia um chym iashem satia ia u. Haba u la rung katto katne
 kam sha lewduh, u la iakynduh khuk ia u khynnah. "Hei
 khynnah ! Ai kwai noh shi song ! Ew, la kwah kwai hi tep."

U khynnah ruh u tare boit la ku kti sha ka kriah kwai, u da
 sot ka song ba kham heh ! katbaki khamat u phah samrkhi

rymmuim ba u la ioh lakynduh biang ia u briew ba don mynsiem.

"Katno lih une ?" U Bniabstar u da tan ia u khyannah kham sharud lynti ban lalt na ka jingshah khnum ha kiba leit ba wan.

"Tang ar tyngka phi mama." U tba la ka kti sha u sikret.
"U sikret de mama ?"

"To ai lih hangne." U sei pisa artat na ka pla soptipoh
"Me lah die bha mynta ka sngi ?"

"Shu biang hi phi mama."

"Ia ngin ia leit dih shuwa da ka sha ! Ia bad u mama."
U da kdup artat na tyrpeng.

"Ei phi mama. wat sngeweciei, nga dang don ha la ka kam."

Ka jubab u khyannah ka dung ngak na shlip nud u Bniabstar; shiphang u jangan tiaw khlem lait ang. U shu peit ser la ki khmat.

"Sa leit suk mama" U khyannah u weng ia ka kti u Bniabstar kaba don ha tyrpeng.

"Wat khulai me ong ia kata ka kam ! Hato me la klet ne lih ia nga !"

"Em mama ! Ngam shym klet ia phi ! Hynrei; kine ki jingdie jong nga kein."

"O, ki jingdie ! Ieh ngan thied lut noh ma nga ! Nga u bym don nongkhylliap kwai, nga la biang eh da uto. Uto u sikret ruh ngan thied lut noh tang kham suk " U ialam artat ia u khyannah.

"Khublei shibun mama. Tangba shajngai te ngam treh leit." U khyannah u da leh tieng.

"O u khyannah bapli ! Ngan leit ialam lei ku lih sha jngai ! Tang hangtai ha Palace ka la biang."

Ha dukan, u khyannah u shong pynrit, watla u sngewshngai ia ka jingbha mynsiem uta u rangbah.

"Nga isynei te me ia ka jingshem lanot jong me. Nga kwah

dik dik ban iarap ia me. Nga wan khnang shane ban iakynduh ia me. Lada me ngeit ia nga, nga mut ban ialam ia me sha Jowai. Men iarap pynshet pyntiew nangta, ngan pynioh kam muster roll de.

"I mei i la ong lpa ia nga ba ngam dei ban shu ngeit bie iano iano."

"Hooïd, nga ruh nga sngewthuh ia ka jingong i mei jong me. Mem ju dei ban shu shaniah kulmar kat ia uba iakynduh namarba mem lah ban tip ia ka jinglong u briew. Nga te, nga iathuh hok ha me ba ngam long kumta. Wat tieng ia nga Men da la kut jingmut ban leit bad nga, ngan sa leit iakynduh shwa ia i mei jong me, ym dei ba ngan ialam noh mynta mynta."

"Lada phi ong kumta te mama, ngan sa iathuh hi i mei ! Lada i shah i mei te ngan leit !"

"I dei ban shah ! Haba leit na ka bynta kaba bha, i dei ban shah ! Hangne men hab ban shu bsa kmie, bsa para tang da ine i tyrwa kwai jong me. Lada me leit pat bad nga, men ioh ar tulop. Kawei na ka sorkar, kawei pat na nga. Da kumta te men kham ia im."

"Ngan sa ong ha i mei, lada i shah ma i te ngan leit beit " Leh kmen u khyannah.

"Me, sa pynsngewthuh ia i mei jong me, ngan sa wan iakynduh ia me la sngi lewduh. Shu ap ia nga kumne por, ngan sa leit lang bad me sha ing. Ong ia i ba nga kwah ban iarap ia ka jingshem lanot jong me."

Haba la dep bam ata bad ka sha, ki ia mih noh na dukan sha.

LYNNONG--19

U Jyrwat, ynda u la poi ha ing, u iathuh lut bin-pa-bin ia kaei kaba uta u briew u tyrwa ha u. U da iathuh ia ka jingsdang iakynduh jong u ha restaurant myn ha ka sien ba la dep.

"Phin ong kumta khun ! U briew aiu mo uta ! Ade ! Kaba phylla shisha du ! Kane ka dei ka jingleh U Blei ! Watla ngi la poi ha ka kut lad, pynban u plie da kumwei pat ! Dei kane kein khun katba kaba ki ong ki tyamen ba lada ngi minot thop

ha la ka kam ka duk; kata, kan lam ia ngi sha ha jingbha !” Ka kmie kaba shongkai myllen bad la ki khun ka iphngain ka dur khmat ban ioh kum kata ka khubor kaba long ka jingkyrmen ia ka lawei jong ki. “Ne tip ioh dei pynban u kynja ‘riewsniew ne khun ! Ioh lehse, u khroh ia phi ba u don jingmut da kumwei pat ! Ew kaba eh !”

“Em phi mei ! Im long phi mei kumta ! I la phla ha ba i dei u briew ba bha ! I ong ba in da wan shaw ia nga na khmat jong phi ! I da kwah eh ban iarap ia ka ing jong ngi ! Mei, la Iewduh in sa wan sha Shillong ! In sa wan bad nga hangne ha ing !”

“Lada u wan shisha ha ing te ka biang phi khun ! Shisien ba u la wan shim naduh na ing, un nym nud shuh ban shu leh lyndet ia kiei kiei !”,

“Phim kynjah em mei ban shong tang ban i hep ? Ne, tip ioh im lah pynban ban peit ia phi ba phi dang shitom kumne ! Lada phi dang sngewshitom ma phi te ngan nym leit.”

“Koit, ym lei lei phi khun ! Mynta nga la sngewshait. Lada nga don tang bad ka. Hep ka la biang. Nga la sngewiohbor shikatdei eh.”

LYNNONG—20

Haba ka sngi lewduh ka la poi, u Bniahstar u la kiew joit ha ka Mini Bus kaba ieng ha ka jaka ieng kali ha Jowai, ban wan sha Shillong. Tang shiphang, hadien ba la dep pule ar tylli ki khubor ha ka sla ba hakhmat, ka mini bus ka mih noh na Jowai,

Ha lynti, u Bniahstar u buh jingmut beit khlii ia u khynnah die kwai dong. U pynshongdor ia ka ing ka sem jong ki. Kane ka dei ka kabu ia u briew, ba un pynpaw la ka jingtipler ha khmat U Blei. Nga ngeit, ki jingangnud jong nga kin urlong.”

Ynda poi ha Sohryngkham, ka kali jong ki kam lait iaid shuh ba la ia sah kut ki kali ba ka don kawei ka trok ba duh hapdeng surok.

“Ew kaba tungtan sat hi, kata ka leit jingleit mynta ka sngi ! Ban kumne te la ia lait por bad uto u khynnah ! Kane ka kam te

ka ban miet pynban ! lada long kumne, sa ban leit sah hotel noh shibit shimiet !" U sngewdukha ha la ka jingshem.

Tang shu lait de na kata ka jingsahkut, ka mini bus ka sub de wiaw, ba la pynher dukhi u nongniah. Tang shiphang ka la poi ha jaka ieng kali harum Anjalee Cinema.

Tang shu biar na kali, u Bniahstar u pynstet la ki kjat sha Motphran kumba la ia 'kut bad u khynnah. Watla u la lait ia ka por, pynban um duh jingkyrmen eiei namarba uta u khynnah u dei uba shang die kwai kylleng kylleng ki rud ki kiar ka Iewdub. 'Lada ka phah ka kmie ia u te nga la donbok palet ! Uto u khynnah u ba tipsngi, ngan nym long marwei shuh !"

Haba u la poi ha Motphran, u peit shane shatai, ban iohi ia u khynnah, u da ieng kham haba shynna khnang ba u khynnah un iohi ia u.

"Shaei mo uto u khynnah u poi ?" U pyrkhat khuslai marwei. "Ngan leit wad shatai sha iew, imat u dang leit tyrwa kwai sha iew." U Bniahstar u noh sha surok na ka lynti ia id kjat ha jaka ieng taxi Mawlai. Kynsan u iohsngew ba don ba tied nadien tok tok, mar kumta, da ka jingkmien u phai pynstet wak. "Are ! Nga nang mut !" U peit lyngngoh shiphang "Shaei kumne ?"

"Nga wan khnang shane ban iakynduh ia phi." U Ribok u samla na shnong jong u u ikhia ka dur khmat.

"Wan iakynduh ia nga ! Ka kam aui eh ku lih kata ?" U Bniahstar u kiew biang hajrong lynti dew bilat.

"Ba phah shaw i mei jong phi. Donbok pynban ba nga wan dihsa shane ! Ban da dei ba nga leit beit sha Jowai te la ia lait !"

"Phah shaw i mei ! Balei ? I shitom ne ?" U Bniahstar u da rab shkor hi jriang.

"Em phi ! Im shym lei lei ! I shu phah shaw ba im don shuh i kong Nebika."

"Ka Nebika ! Ka Nebika kam don shuh ! O men ong kumta !" U Bniahstar u lyngngoh dheng "Naduh mynno ?"

"Ki ong ba i khlad hyne ! Kin pynkhuid lashai."

"Ka Pang kumta ku lih ?"

"Tip seh ! Ym shym ia bna eiei. Kiba ha ing ki ong ba kim tip eiei ba i pang. Ki ioh khubor ba wan iathuh ki briew hynnin mynmiet !"

"Ka iap shano ku lih ?" U Bniabstar u da thangiong ngain.
 "Ngam tip kein ! Tangba i ong ba i iap hangta ha ing shongwai !"

Mar kumta de, baroh arngut ki ia ia id noh ban leit sha jaka ieng kali ban leit phai sha la shnong ! ki da ia id lyngba ka iewduh ba sahnud u Bniabstar ia u khynnah, ka jingmut ba u rung na iewduh ka long ban iakynduh ia u khynnah ban ioh iakut da kawei pat ka sngi.

Ha kali kaba leit phai sha shnong, U Bniabstar u sah nud ia uta u khynnah raitong U da sngewhynniaw ioh lehse ka kmie u khynnah kan nym shaniah shuh ia u ba um shym leit iakynduh ia u khynnah ha kata ka sngi kumba la kular Ka mynkiem jong u ka khia ba u da da ka jingklusai. Ka dur khmat jong u ka i khia, ka da pynpiw ha u Ribok ba u dap da ka jingsngewsih ba la khlad noh ka Nebika. Pynban kata ka long da khongpong U Bniabstar um da buh jingmut than ia ka Nebika, u sngewsih ba um shym iakynduh ia u khynnah. Ha la marwei, u shim ba kane ka dei ka jingkhong lad ba un shakri ia ki para briew da ka jingleh isynei. "Katta uto u khynnab u la ong beiti ba nga thok. Un tharai ba nga dei u briew bym lah shaniah Ka kmie jong u lei kan tharai riengkai ia nga ! Katto la pul m ki jingthmu "

Ynda la poi ha shnong, U Bniabstar u leit shwa sha la ing ban iakynduh ia la ka kmie Haden shipor arpor, u mih na ing ban leit sha ing ka Nebika.

Haba la rung ha ing ka Nebika, la ialam ia u sha kamra ba pynthiah ia ka Nebika. Hangta ha kamra, la synran ia ka metiap da ka kmie ka Nebika lem bad ki para marjan marpa. Mar ia rung ma u hangta ha kamra, ka kmio ka Nebika ka iam kynsan bhuk. "Wow ko pyrpa ! Nga la niew bein ia phi ! Ban da dei ba ka ia d n ryngkat bad phi kan nym jia da kumne ! Mab pyrpa ! To mab na ka bynta ka Nebika."

U Bniabstar, watla um shym da dap mynsiem than, pynban,

um lah khlem da lang ummât hâba ka kiaw jong u ka la iam bad pan mab na u. U pêt isyênê ia ka met iap ka Nebika. U shem ba ka la phong da kawei pat ka dur.

"Ei dâh, khie leit peit ia u Jyrwat ! Wan ialam shane ba la wan i kpa " Ka bîbah ka kiaw.

"U la heh bha mo u Jyrwat ?"

"U là jrong bha mynta. U khyannah uba i tip briew sat "

Ha kane ka por wan rung u Jyrwat bad ia ka para "Mama ! Phi wan shane kein ?"

U Bôiahstar u shu ang lyngJoh dheng khlem nang jubab, "Wa ûne u Jyrwat ! Ia i kpa ruh me kam mama ! Mem ithuh shub seh lih ?" Kynteit ka kmie ieit.

"U Jyrwat ! U Jyrwat kein pleng ! U Bôiahstar u piam kyn-sah sbak ia u Jyrwat. u da iapler artat pding ha madan Kita kiba ia don hangta ki ia kulmar thlim ba Ia iapler u rangbah briew.

"Shim thim ! Ai um kloï ! Wanrah um !" Ia hylle kulmar kita ki kyathêi ba don hangta.

Mar kumta, khru khru ki ia mareh wanrah um ki rangbah ba don shalait, don uba rah da ka mok, don uba rah da ka dabor, don uba rah da ka tia, katba u Jyrwat bad ka para ki shu ang lyngJoh dheng.

"Tang shu synreit um shi kti ar kti, u Bôiahstar u kyndit bynrlew throt. U'niad ia ki khmat.

Haba là iohi ba u la plied ia ki khmat, u vei u rangbah u khyllie ia u, u pynshong halor ka mûla.

"Pynêh iâlâde ! Pynêh iâlâde !" Ai mynsiem uwei u rangbah ba bêt ba kti la ka tin um. Mar kumta la ialam noh ia u Bôiahstar sha kumra shongkai ba un kham wan mynsiem

"Da shisha, ma ngi ki briew ngim lah peiphang ! Ngim peiphang ia ka jingleh U Biei ! Kumta, ngim lah khlem da iam sngewsh hâba kum kine ki wan jia " Ai mynsiem uta u rangbah hâba la iashongkai ba kamra shongkai. "Ha ka jingtiot briew jong ngi, ngim lah bad peiphang bafêi ka wan jia kum kane !"

"Ka jingkyndit ban shem ia la u khun ka pynpait ar liang thrup ia ka dohnud jongnga " Iathuh u Bniabstar.

"Ka dei kaba ong ma phi ! U khun te u khun seh ! Ka jingieit khun ka dei ka wei. "Knieh ktien uwei u rangbah uba shong kham ha kyndong, u da syndong ia ka jain tapmohkhlich ba u tawab ha tyrpeng.

"Ka mynsiem ka da pait kynsan thrup ! Namar la u khun ban ithuh ha kum ka khyliapmat !" Bteng biang u Bniabstar. "U khyannah tyrwa kwai u dei pynban da u khun jong nga !" U Bniabstar u kyrngah ia ka khlich. "Nga wad ia u khyannah die kwai dong ! Nga lap da u khun la jong !" U Bniabstar u jangan khak, um lah bteng shuh ! u shu peit shlip la ki khmat sha u Jyrwat uba wan rung da ka khmat kaba kha, u da ia id suki shaba shong ma u.

"Papa !" U Jyrwat a leit ieng rakap bajan u Bniabstar "Papa !" U piam kynsan trait na ryndang, u da pynnoh la ka khlich ha shad m u kpa. Katba u kpa u syrpuh syrpai ia ka khlich u khun ryngkat ki ummat kiba tuid suki jai. Ki ba peit ki ba iadon hangta, kim lah khlem dor jaw um inat sngewlem namar ka jingialeh bakynja mynsiem ka phaloh bad ka kyndeh shapoh. Baroh kiba don hangta ha kamra kim nang ia pynmih sur shuh, lait tang ka jingkyasluk kaba rynshar ia ki.

Ki kot da u juh u Nongthoh

1. La Pulom Ei.
2. Balei Kumne.
3. Iet Ia Ka Jot.
4. Ioh Phi Babe.
5. Tang ma Phi.
6. Shikhra Ka Tyngka.
7. Ap Ia Nga.